



明文海卷十九

餘姚 黃宗羲 編輯

賦十九

弔古一

弔賈生賦 朱伯賢

恭承間氣兮大賢天縱明王不作兮怠棄三統文章經  
國兮痛哭規諷獨倡寡和兮不能從衆材大無偶兮世  
莫為用烏乎夫子兮何獨使予之悲痛世溷濁而不分  
兮螭龍蠃蚌御濮便娟兮九韶博衍鸞鳳高逝兮鷓鴣



堂壇群愚滿庭兮賢良日遠大儒逆斥兮嗇夫俊善謂  
夔無能兮微螭婉婉卞薛無知兮懷由自銜於乎夫子  
兮竟罹此變烏虜哀哉行或泥沮兮何為亡故用而毀  
兮天馬振迅渥洼之渚兮鯤鵬搏搖瀚海風雨兮驪龍  
遺遺珠照耀天下兮神龍龜負文九疇攸叙兮嗟若夫子  
三代談輔兮摯旦上天世莫與伍兮於戲哀哉杞梓  
連抱兮執斧袖手良璞萬鎰兮玉人卻走騏驥逸羣兮  
轡御徒後巨舟乘風兮楫者坐受命世大材兮履昌是  
就夏殷忽沒兮時非吾有于嗟蹭蹬兮孰為此醜有大

志而不伸兮千載誰偶諍曰已矣世其莫吾知兮子獨  
鬱悒其誰尤時之不吾遇兮志之不盡施用行舍藏兮  
嗟憂泣其欲奚為獨不見夫黃鵠之高舉兮遭矰繳而  
羅之麒麟之不羈兮鉏耨商獲以縻之謂仁者之必信兮  
世無伯夷賢正之必容兮孔孟以治傳說列星兮巖築  
胥靡審戚疾歌兮牛下車衣呂望之鼓刀兮非熊非羆  
將老死于涓蟠兮殷民曷懷箕子之忠諫兮終于囚累  
鴻範之不隲兮吾將曷歸嗚呼噫戲物故各有遇兮遇  
故各有時服吾道之在人兮俟天定而勿遲出則棄咎

兮入而萃野之夫楚萊之廬達固大幸兮窮獨離居樂  
天知命兮顏氏庶幾于嗟夫子兮曷獨為爾之憂悲彼  
尋常之詭遇兮孰為之範我馳驅也徇名而未遑兮夫  
何抑示之遠思也生民之不幸兮堯舜遠而遂使夫子  
兮汨沒逢災匪皇天之慙遺兮寔人事之弗基若夫人之  
有知吾將指三代以為期

弔賈太傅賦

桑悅

從長江之奔兮中有江曰汨羅惟靈均之往湛兮衍  
千古之清波何先生之清風兮正靈均首丘之所都投

雄辭而慨弔兮若救種而烹蠱珮帶遺乎蘭蕙兮衣裳  
留乎芰荷儼騷經之滿目兮邀予辭以相歛赫炎漢之  
芳隆兮親溺楚于一螺穩璣衡以平運兮齊日月乎羲  
和飛修壙而內薄兮爭排挾乎嵩蟠駉魍而比健兮  
豈息脉之微瘥本根豐而孰兮亦盤翳乎條柯鬱虫  
尤之柱天兮入剪伐而么魔倒冠履之上下兮視蟻蛭  
為嵯峨僉譚以笑語兮獨予淚之滂沱催黃潤以成  
匠兮豈欽止乎龍梭舍珪璋于巨璞兮隨岡阜之陂陀  
左控搏乎南威兮右撫抹兮妖娥憐陵華之奇質兮美



光景而委迤收馳驟而守閭兮夢天山以秣禾憑旱雲  
以輸棕兮惜來日之無多悲嶮嶮之易暮兮慨致鵬之  
非囹團圉之汶兮鑄寶鑑而為模羗空言之際遇兮  
皎夜壑之鶯坡曰予又倅茲土兮後千載而殺那遭聖  
明而獨誅兮胡今古之同科審人生之旁達兮直寒暑  
之經過委吾身于造化兮任刀秣而香塗紛兮世之變  
幻兮消長袖之傒兮予將釀沆以霑醉味淪陰以成鋪  
升都嶠以長嘯兮陟委羽而高歌至息憤而默兮歆  
反觀夫太初終吾生以泮渙兮補先生之婆娑

閒田賦

王翰

條山之陽黃河之傍灌莽極目獸駭鳥翔畎澮縱橫以  
遠際溝塗陂陁以衍長經界宛其未改廬井已不可得  
而詳問平高之耆老乃知古虞君之故邦及芮伯爭而  
未決質成于文王者也嗚呼姬周之造跡自后稷之建  
邦公劉之啟土古公著撫民之庸王季號勤王之祖至  
翼之文王得奔奏禦侮之賢輔三天下而有二猶臣  
勝商受而遵王之所也傷漢儒之鄙陋議圖讖以厚誣  
以虞芮質成而被化為周始稱王而受符以區之陋

邦都至德于須臾來四十國之臣妾如父召而子俞文王之受命固定于虞芮之質成若稱號改元斯盛德之所必無也嗚呼天有昭々之明無諄々之教視其命之去就在人心之好惡苟處時而得中何必丹書朱雀而為符告也眺荒原之茫々撫往事而增悼追淳風之不反傷衰世之末造誦綿詩而永嘆為執筆以三叫

土木賦 王世貞

歲在執徐哉四月生魄臣某服駉牡越燕關而北上谷之墟阨靡境埆若陵若伏者為土則或楮而堊澤翁童

造物鮮功埃昧鬱而要風陰鏃飽血敗削咀精憊乎挾鬼車以噉鳴狂茅畏棲貓獬辟宮夔魍夷猶叩之莫磨有一丈人跼踖前曰此所謂土木者也我前人之狗皇輿代逝靡徵大夫金匱之逸臣庶一二寓目為為蒙熟之臣曰唯々昔在故元主有中夏為痼為瘵易耕而獵儵々嘒々詩書喟晰禮樂堯昧高帝因天之厭夷提三尺犄元鹿于西隄之外投諸大荒母令睚眦挽七澤揚九派浣羶羶而如婦飲湛恩之汪濊文皇勃興介焱騎盪雷轅阿台土干之流莽伏虜奔者或收推而內臣或



懷衽而外藩陽陰山北斗鑿條支以界天門時則有  
若魏鄂曹衛宋顏涼英萬眾一羽揮無留衡甌脫樓煩  
輓搖神鉦屹乎金湯歷再紀而恟々如草覲髮螟螣滋  
萌蚩尤乃迫上帝下攬槍犄狂獫狁之妖鍾為不花其  
豪也先煩蠱遊魂者金吮鉞曾不足以當漢之一連時  
則有若左璫垂貂帷房之幹以為內胡包藏禍心蠱我  
六驅狼山之旁撻戟牙七萃虎豹之衛執誣就屠列缺  
噤火以伏陰義和束鞭而淪虞輔勇佐堊禹益之徒楚  
材晉良其麗不億膏陂衍而施朝霜海立山卧羨漫荒

搶然而天容穆然神武不崩單于除掃闕氏却行左賢  
且渠大小奉觴伯顏冥契乎項伯臣善昌忝乎侯生曾  
未閱歲乘輿踏々雖七曜暫騫而兩儀就康今天子惟  
先德慨武功追周昌之過密陋漢徹之稱袞下書御史  
千夫長百夫長材官挽疆續駢拉砮踊距騰驤死藝辱  
國謀夫孔臧抑虎賁而石鷹揚于是少府發柙作詘寺  
人絕宮虞衡弛法減膳削御史士衣食蜀蘇析而鏐膺  
楚金銷以鎔軌揀駝三千長轂九百期門飲飛飽勇怒  
而不得發搏人以軾投石而樂天振掌射豐隆脂軌博

望鄉導水行亡之乃鹵溫禹梟。郅支回刃南面者寸  
劉銖猶斬輶輜以夕薪炮駛騃而佐朝糜載嫖姚之金  
人什竇氏之故碑天子曰止毋究兵毋招不軌襲爾曹  
橐爾矢吏士十歲復無事。赦海內與更始坐明堂柔  
羣宄雕題矚目日月出沒靡不梯航而勞象胥于是大  
置酒合樂而饗之歌曰雪怙信威翼文德父不哭子鮮  
鰥室百千萬年戰鬪息告成祖禰樂無極老人起拜曰  
子之言美矣郁。哉請毋死而俟諸土木

哀曹娥賦

有序

李濂

曹娥江在紹興府城西五十餘里有曹娥廟在江之  
許李子赴官四明渡是江艤舟謁廟乃作賦哀之時

正德辛巳歲也

我舟南下兮待罪四明道經娥江兮維纜廟傍肅我衣  
冠兮跪奠椒漿搗管屬賦兮敬吊娥英越中山水兮靈  
淑攸聚上虞之墟兮產茲孝女五月五日兮父溺于斯  
逆濤而上兮不得其屍娥年十四兮柔婉令儀哀吟澤  
畔兮聞者歔歔旬有七日兮哭聲勿衰沉淵尋父兮與  
家人辭皇天監娥心后土憐娥悲載經五日抱父江湄



父子聚首兮厥事神奇川靈擁導兮若負而隨烈魂千  
禩兮如或見之瞻拜貌廟兮靈風颯旗毛髮竦豎兮心  
口嗟咨許曰人孰無死兮古今一軌娥名永垂兮死猶  
不死穹碑漢篆兮麗牲庭祀度尚雅志兮邯鄲文美絕  
妙好辭兮悟三十里摩挲諷誦兮嘉歎不已我賦孔哀  
兮投之江沚援翰寫情兮聊以代誅江雲漠兮江波瀾  
瀾西日發擢兮極目煙水

剡谿賦有序 李漁

余嘗聞越中山水之佳者剡為最思往遊焉而未能

也屬者壬午之秋偶以公事至剡放舟遊鴈殊慰平  
生緬懷昔人棹雪之訪厥事已竒然又不見其人而  
返則益竒矣倚擢賦之亦以識吾興耳

放官舸以南驚尋古蹟于嵎州出嶠蒲之浩渺泛剡川  
之清幽水潺湲而畢匯山轟轟而四周嗟千岩之競秀  
復萬壑之爭流粵山水之絕佳惟會稽之為冠豈竹箭  
之能當發人文之炳煥昔山陰之子猷值夜雪之初霽  
詠招隱之高篇友太冲而相契聿獨酌以暢心慨古今  
而睥睨對朗月以懷人朔寒颯而鼓柁乃經宿而造門

遽轉舟而回挽曰乘興而偶來忽興盡而可返任天真  
 以遨遊隨己意之舒卷何必見乎其人始盡予之繾綣  
 留雋語之千年信迹竒而意遠苟神識之潛孚斯骸形  
 之可諉仰賢達之孤標恨吾生之太晚比挂席而入越  
 浩逸思之翩：訊安道之故居歷艇湖之澄淵望金庭  
 與天姥合百里之雲烟岫青：而不斷花冥：而欲然  
 人已逝而風存話猶傳而味玄爰夷猶以成賦羗薄暮  
 而言旋

明文海卷二十

賦二十

吊古二

首陽山賦有序 李濂

餘姚 黃宗羲 編輯

首陽山在蒲州南四十五里即雷首山也禹貢曰壺  
 口雷首至于太華昔伯夷叔齊隱居茲山李子按部  
 河東過首陽謁二子墓憫其寺宇頽廢乃下令葺焉  
 夫二子篤萬世君臣之大義孔子褒之褒徇祠墓緬



懷懿德于是作首陽山賦

黃鉞兮白旄諫不聽兮予逃予逃兮何之望首陽兮棲  
遲山有林莽兮乃避而匿山有薇蕨兮乃飢而食神農  
虞夏兮邈弗可追耶隨鹿豕兮朝夕娛嬉孰抱祭器兮  
西歸于周孰陳洪範兮載行其疇予寧溘死兮弗忍事  
仇網絕柱壞兮孰知予憂周粒不可餐商命不可延予  
將曷歸兮雷首之巔夜汲沆瀣兮晝玩雲烟吁嗟二子  
兮求仁得仁舉世非之兮爾獨真自有兩儀兮即有君  
臣天冠地履兮上下攸分文王泰伯兮沒菑事殷同稱

至德兮何意孟津不降其志兮不辱其身許由伯成兮  
異代同神子臧季札兮挹厥光塵大道之準兮夷齊二  
人許曰叩馬遮說兮丹心瀝血君臣大義兮爾扶其桎  
且與造望兮一時之傑目覩危行兮故緘一厥舌順天應  
人兮固權之絜堅守臣節兮寔士之潔謂韶盡善矣武  
僅盡美仲尼垂訓兮意亦如此民到于今兮歌頌二子  
首陽之殍兮死猶不死廉貪立懦兮聞者興起維聖之  
清兮萬世仰止

吊長平賦 有序 李濂

長平之坑武安君之無道極矣嘉靖癸未秋余西巡澤潞道經斯地山川如舊風景愴怛停車四顧怛然傷之于是毀豎子之廟撰文以示父老然猶有餘慨為復造斯賦以洩千古之悲

星軹西邁兮上黨古城山路崎嶇兮夕抵長平賦曰夫何積骨之成丘兮厥山名曰頭醴詢丹河之既堙兮猶壞赤而塊蘇宵鬼燐歟明沒兮天陰雨而嘯呼惻趙卒之四十萬兮乃一鼓而盡屠翳衆命如彼夥兮胡無一之少延張虛拳猶可奮兮矧執銳而被豎彼豈知坑降

之禍大于劇戰兮後難以重得志于邯鄲詭趙成之惡夢兮衣偏絮而墜飛龍見金玉之山積兮筮史告王以閔凶越三日馮亭之使者至兮獻城市邑十七聖人甚禍無故之利兮棄忠言而罔恤韓嫁災于汝國兮引虎豺以入室信反間以易括兮竟喪師而失律遺小者二百四十人兮咸奔歸而竄逸嗤銳頭之豎子兮性殘忍而嗜戕視人命如雀鼠兮入虞羅而無一生惟王者之師如時雨兮迎簞食與壺漿何荼毒以騁暴兮忍挾詐而坑降合哭聲以震野兮仄兩儀而闇三光嗟天道之



好還兮網恢；而靡漏孰蹈仁而無慶兮孰逆天而有  
後豈善戰者不必善亡兮死杜郵其何咎對使者而自  
訟兮見爾心之微明付勛名于一劔兮曷足以償百萬  
之生靈積不善必有餘殃兮遺詔罵于寰宇余遁茲地  
毀廟兮爰斧像而燔俎趙既亡而秦亦滅兮亦何貴乎  
黷武用兵者宜戒其覆轍兮獨不觀諸鄧禹為將久弗  
妄殺一人兮不貪功而功聚綿福祚于無窮兮衍子孫  
之蕃庶彼豎子之不仁兮勦厥命其自取吊亡卒而成  
賦兮慰游魂于終古

吊古賦 葉良佩

嘗謂江文通恨賦而莫喻其意夫文通之恨甚矣奚  
以賦乃予讀之則感：然若有創于其心者于是遂  
祖襲其製作吊古賦云

登高丘以騁望兮澹萬里之長空山奔湧若競赴兮雲  
裊：兮相從播衆流而羅絡之兮眇草樹之迴縈曼流  
觀乎原堊之古蹟兮歷選幽憤而吊之泉垆何楚均之  
蹇：兮遭世既濁而弗庸騏驥困以伏櫪兮騰跋蹙使  
橫空放盂陬之佳治兮嫫母姣而從容吾蹈彭咸之抗

迹兮將及申生而締盟蠲爾誠以進胙兮被鳩君之偽  
名死且虞國之多難兮夫何命促而志貞去華館之皦  
皦兮襲夜臺之冥冥諒舍死誠獨難兮詔嬖子以典刑  
白日出之悠兮兮睹厥扶蘇之負冤監蒙將以築邊兮  
值孽弟而邁患寢絲綸之夕記馳鵠毒于晨烟外攘敵  
之多績內循省而靡讐作忠奚以見殺玄霧鬱其漫天  
覽增成于陽朔錄女得于班姬傷淑閭之質處驅鳶鳳  
而翔鷓鴣矰戈机而在上兮聽和鳴之昌詞軫芳衷之不  
怒兮美潔清之可儀久矣友道之淪喪吾獨有感于魏

齊當秦怒之方張揚平原其見繫輸哀悃于虞君損重  
位以赴急高信陵之慕義輕千里而負笈何託命于斯  
須乃佯襲而固答相投兔之見矜啜爾嗟其何及吁嗟  
世之多故兮屯余衆以礪礪望介子于縣山兮窺伍胥  
兮江許息侯要余以陳詞兮萇叔舍成而未吐岳魂偃蹇  
于杭湖襍魄摧殘于鸚鵡東見田橫于海島兮北悼明  
妃于遠浦循西戎閔厥非子兮南尋項籍于垓下已矣  
哉人生斯世兮視彼通隙之白駒胡五常之好合紛萬  
變其難推猗揚園之君子綜百代之民彛抒幽懷而作



賦耶以配乎侂詩

蓮池賦 王嘉言

夔城之北途路欹傾窮谷幽壑重岡大陵突然呀然攢  
巖蹙坳偃仰樊援斗折蛇行鮑庄之側有池潏潏冬盡  
寒消春滯水增爰有新荷應候發生延及夏月漸以敷  
榮員葉鮮萼映彼長莖爛熳而紅交加而青娟娟靚好  
冉冉苾馨微風一吹散入芝林乃考載籍以詢民萌曰  
歲綿邈矣鑿于熙寧周子判夔是用陶情嗟名儒之遺  
跡可想像乎典刑陋武子之嘉樹擬召伯之堂陰呼

武侯八陣之圖洪濤混濊而石不轉瀛溪半畝之池大  
旱焦鑠而水常泓豈非二賢之意注神會故越千百祀  
而不沒其精靈今之人竊周子之愛以種茲花者何限  
而非其自得之學非其灑落之襟則亦羊質而虎皮也  
識者寧不笑其效美人之捧心

謁箕子廟賦 使朝鮮作 祁順

有商之衰兮大道沉淪女戎煽處兮積粟成塵荒亡敗  
度兮虐焰肆氛藐天威之不戒兮遠忠言而罔聞嗟哉  
夫子兮遭時孔疚義為大臣兮親則諸父視祖烈其至

重兮敢恣然而安處翳象箸之始造兮憂末流之莫支  
進藥石于俞緩兮冀沈痼之可醫羌狡童其弗悟兮嗜  
堇藿而如飴耿余衷之激切兮獨寔：乎何之顧微子  
之已去兮余安忍復背其君也嘆比干之既死兮余安  
可徒隕其身也甘隱忍以悔遜兮乃佯狂而為奴傷宗  
社之覆墮兮抱鳴琴而嘆吁夷羊滿野兮麥秀故都非  
夫子之不力兮良天運之已徂維朝鮮僻在東土兮寔  
夫<sub>子</sub>封國祠宇久而彌新兮儼清風之如昨服八條之  
教令兮安蚕織而耕鑿信德順以流光兮足庶頑而

敦薄吾生數千載下兮偶奉使而謁茲想儀刑以起敬  
兮懷不盡之遐思書有九疇兮易有明夷仲尼有贊兮  
宗元有碑斯夫子之道大兮又奚用贅乎一辭

反反騷并序 樊鵬

昔屈原事楚以讒見棄憂君不已乃作離騷投江而  
死以明忠漢楊雄以為君子不得志則龍蛇何必沉  
身哉故撫離騷文而反之名曰反騷余讀其文重為  
泣然流涕也悲夫屈子負屈千載莫信而雄屈身莽  
下不能如龔鮑超然遠舉反訊原之沉身實欲藉彼



非明此是也故曰遜于不虞以保天命其肯意見已  
哀哉余故復撫反騷文而反之名曰反騷蓋非徒  
騷辭飾說于一時寔欲信鈎環直軌轅于異代也其

詞曰

惟有芊之建拓兮祖高陽而正系派季連之蟬鳩兮流  
靈脩嗣世慨靈均降叔運兮隨王車以後先螢之蠅蟲  
止荆兮君反疑忠而信讒彼既窘步于險隘兮被災殃  
而不無言傷靈脩之不吾與兮賦騷詞而沉江潭漢楊  
眊雄命原為累余故命雄為眊投文相吊兮辭反騷而病屈余既懷

茲靡夷兮越千載而直屈彼造化發育蠢靈兮固將妍  
醜之靡同賢哲生此人國兮莫必與濁世而皆通麒麟  
鳳凰飛步兮豈不擇世而量世苟非其時兮豈不高飛  
而遠去眊既知天軌不辟兮嘆純潔而離紛躬自蹈其  
渙忍兮空暗繫之續紛纒帶舉而佩衡兮固君子之高  
致豈曰履糝槍以為基兮豈肆文而難質眊閉室而養  
志兮既紉秋蘭而扈江離飭媵娃之腰褭兮顧鸞諸棘  
林而隨諸疾藜鳳凰鳴于釜竈兮騏驥試步于鹽車知  
枳棘纂兮猿猴且不敢下莽奪漢輿自載兮乃羨驥

而驅驢於芰荷之綠衣兮被芙蓉之朱裳卧汙池而覬  
仰伸兮蒙穢濁其可傷纍脩容自綽約兮固未嘗競諸  
閨中衆惡貌而量峨眉兮難免乎嫉妬于深宮既不如  
群類之要媚兮亦難毀刑而列貌若眊之屈身說類兮  
亦楚纍之所笑謂神龍宜潛深淵兮纍非眊無葭莩之  
親謂鸞鳳宜栖蓬階兮纍非眊無鴻毛之真既疑彼不  
高飛兮胡自羣于燕爵耻靈芝不處谷兮以浮萍而為  
托夫颺燁：芳苓兮方當季秋之辰嚴霜落而知明哲  
之保身兮結中情之激烈兮憂王國之無人達清香而

揚素美兮欲靈脩其吾許宣忠芳曜義艷兮庶靈脩而  
迪啟非不欲精瓊靡與秋菊兮將以延夫天年非不憂  
老冉：其將至兮憂日薄于西山非不惡落華喪英兮  
或傷生而伐性非不欲全脩養正兮常樂天而知命卷  
薜芷與若惠兮豈願投于湘淵混申椒與菌桂兮豈願  
已于江干將以身而明國兮以死而明生將以命而知  
天兮以心而暴誠重華豈為不與兮傳說豈為不傳豈  
不與處妃乘雲兮不與瑤臺逸女同舟情婉戀于宗邦  
安得望昆侖以縹流腸牽拘于祖社安得去彼乎高丘



魂飄：凌青霄兮，龍為不可駕游。唐庭揖虞堂兮，九招九歌夫奚呀。夫賢聖之不遭兮，非親舊固不可如。纍之沉溺既云道不吾以兮，固不可流通而弗息。知仲尼在魯遲兮，不知在齊之接淅。知既之全身保終兮，不知龔鮑之芳譽既訖。纍之沉身兮，又飢纍不返乎故鄉。豈如既之乾沒兮，乃逐流波之湯。臣胡虜而忘仇讐兮，又何從而美新。何惶惑而投閣兮，又奚笑纍之沉身。纍固棄由聃之珍兮，吾恐既貽許巢之憂。纍固蹠彭咸之所遺兮，吾恐既亦為彭咸之所羞。

吊田橫義士賦

黃卿

昭人生之勤劇兮，瞻蟾兔之往來。羌行野而溯古兮，覽齊都之圯頽。昔全勝之嶮嶮兮，丘纍其茅菜。憶蒿薤之鞏音兮，季世田橫之可哀。殞旅途以藁葬兮，閉悠首丘之懷。兄弟乘時以復國兮，繫神明之世胄。何時命之不辰兮，瞻蒼天之固祐。七十城之全跨兮，徒勤瘁以奮戮。俛事大以請款兮，旋掩襲而莫救。失蹇據之殫踣兮，潛裹甲以奔走。裂裳冕以東適兮，甘九夷之居陋。何夷服之漁耕兮，尚新朝之弗容。奉檄命以西覲兮，菴中

中路以舍生雖志懷之自迫兮僉深憫其弗平值炎劉  
之天授兮為責王之無功願同時之提劍兮誰知乎成  
敗之形昔太王之去邠兮孟子稱述以告滕土地豈厥  
弗欲兮脫我黎庶于兵鋒設爾幸生于平世兮諒可以  
為善國觀多士之死兮聿輝映于史冊含悲咽以營葬  
兮嘉祔殉之二客慨從容以處死兮允時流之匪易造  
海嶠之間訃兮同列斃者五百將衆多之少疑兮憑良  
史之真蹟快漢廷之止憂兮庸三齊之屯厄嗟乎女悅  
已以適容蹟委質于相知遙辭家而許君兮誓鞠一以

以相隨瘁豈山川四顧之因避兮寧漢京之不可馳誰  
之猶誅迫劫兮冀其猶滅而昏迷想荒屋之相枕藉兮  
孰蘊裡而掩尸海若殆為之鼓盪兮山靈亦為之凄悲  
世遠尚言之太息兮矧挽悼于當時昔孟嘗之多食客  
兮猶得力于馮諼漢高之緩爵賞兮功臣已聚謀于沙  
間淮陰之縛于陳兮楚士誰為之明寃夫義合詎保其  
心貌兮矧顛沛之周旋若人情之竭盡兮孰不為死之  
至難不識橫之何道兮羣士紛為之喪元曩東陟于牢  
山兮眺壘址紆其延孳詢島名曰嗚呼兮野叟惘惘而



無言招堂：英魂兮眷故國以言旋無全文之紀述兮  
僅附見其大端噫多士之死以安兮缺誅誌以奚妨山  
岳：以摩霄兮水濺：其汪洋多吾國之貞烈兮欽芳  
懿之可忘粵覆載之濟：紛：兮孰齡笑之獨長彼戰  
勝以創興兮等大塊之亾羊千載旅墳之埃蕪兮名賢  
慨稱其耿光竊謂君王之可以不死兮詎所遇之何傷  
為多士之愍悼兮俾考終于遐荒惜一夕激憤之難制  
兮遺曠世之惋哢兮悲涼

吊南漢劉氏墓賦并序 黎遂球

余家板橋對岸有洲名北亭當五羊城之東疑即昌  
萼苑地先人有田在焉崇禎丙子秋田間有雷出奮  
而成穴畊者梁父過而見之因投以巨石空：有聲  
乃內一雄鷄其中自伺守至夜盡聞鷄鳴無恙于是  
率弟子入得大發之見有金人如翁仲之屬者凡數  
舉之各重十五六斤其正處二金像冕而坐若王者  
與后之儀各五六十斤地皆金蠶珠貝築之有鏡一  
自發光燭照暗中如白日寶硯一硯池中有玉魚能  
遊動其他異物尚多不可指識但先携鏡歸來光動

儻舍亟碎之儻人覺而爭往遂趨白官邑有司并拘  
繫之亟親臨其地視搜發一旦公私藉沒無餘其中  
一棺即為掘者所糜骨齒稍有存者今其穴故在碑  
文隱：可讀蓋南漢劉氏塚也予時方在公車因鄉  
人後來者曾得之目見為形容甚詳嗟乎慢藏誨盜  
理固宜然令子婦耕斯田庶幾為長守得不發然以  
彼固曾南面稱王一時之雄而藏身若此率以不保  
是可吊爾聞素馨塚在花田間去此不甚遠今不知  
何者為是必尚在也又胡不偕之少晉乎為述此賦

噫嘻嗟乎伊何其寵從而杳香冥：兮潦與州之依回  
游人既不至兮綺紈寂寞而鐘鼓稀牛羊下上兮糞我  
禾黍水波汨沒兮暮漁既散而營飛：寒與暑兮荒熱  
鳥歌兮樵蕪絕唱而疲歸望美人兮不見今與古兮為  
知忽吹沸其如崩兮誰為君徙震躬匍匐而放洩兮長  
啟蘭湯既已滅兮長髮流漿雕虎不可為守兮何金人  
之頽女嗟寤勺之不與嘗兮惟瓊璜是圖砥室長夜如  
白日兮魂耿：其倏殆寶鏡既已碎兮金輦又空鬼氣  
融畜其或能語兮不為君容翡翠被兮為烟駮血拇兮



俟乎下風耀珍怪兮君寔何德乎他人慎藏留兮羗自  
獻而又不得從騰鳧醇漿不以祭兮淹醮醉而逼迫風  
颼其來下兮徹心骨層城言兮非故宮木葉落兮  
日夕虹橋蜿延以流花兮愔復照以花田之明月挹蔗  
漿兮行遠道米露花兮佩香艸寥岸紅兮流浩松柏  
兮青伊何為兮食人腦吳宮霍舞兮人氣逖侵驪山  
邈曠兮底沈高臺歌舞兮渺不可憑又何怨兮今之  
人亂曰朱趺翠蓋翩其艷兮葩房便娛山鬼怨兮長劍  
幼艾雄無敵兮靈氣如雲漬金石兮配德三五恒昭

兮即鹿無虞在屯艾兮

明文海卷二十一

賦二十一

哀傷一

閔貞賦 楊守陟

餘姚 黃宗羲 編輯

夫何一佳人兮塊獨居而無侶朝悒以至於暮兮夕營  
而達曙言我良家而族茂兮幼連娟以好脩珥瑤碧  
而佩寶璐兮載孔雀之搔頭覽薜荔以充幃兮緝蕙蘭  
而為綢光陸離其繽紛兮芳與擇其雜揉慕閔睢之窈



寵兮異君子之好速籍蹇修以為理兮執高明之箕箒  
葛蘿附于松柏兮吾懼夫身輕而厚施覽圖史以自監  
兮哀哲婦之傾城思雞鳴之賢耦兮恒警戒而相成繫  
靈修之高義兮方採芹于頰池懷青萍與結綠兮俟和  
燭其子知將榮耀以貽寵兮矢偕老以為期何大厲之  
嫉妬兮羌中道而奪之如涉川而無航兮如凌霄而失  
梯豈妾人之殃咎兮抑天命之不可違易珠翹以麻鑿  
兮代羅裳以總衰泣既盡而繼以血兮心怛絕而復悲  
天陰兮其歛雨兮景翳而將晡燕飛兮而歸梁兮鷄

登埒而相呼宵燭黯其無光兮撫孤殯于坐隅搏哀若  
以為枕兮結愁思以為衾依苦席以假寐兮恍若君之  
幸臨乍悲喜而歆言兮怛驚悟而惕心猶傾耳以馳想  
兮似聞君之聲音終悄兮其間寂兮哀四壁之蟲吟歛  
夜哭而不可兮淚浪兮而不禁朝進拜于殯帷兮奠桂  
漿與椒醕兮必第而不饗兮怵鬱邑余誰語人與歲而  
偕進兮暑與寒其代序念死生之異制兮卜宅兆而安  
厝薤歌淒其載途兮柳舉儼以即路雪霏兮其交零兮  
冰漁兮其將返獸挺走而失羣兮孤雌峙于遠樹抱玄

黷以臨穴兮歆殺身而為殉憐幼稚之重孤兮又低迴  
而不忍暮返哭于故宮兮氣奄二其歆盡何昔日之甘  
齋兮今直為此董荼也哀同室之人兮溘先委于山隅  
也倏祥禫之既踰兮人告子以從吉惟夫死為未亡人  
兮吾心喪其猶未畢彼媒妁之嬋媛兮廼申二其煩言  
曰琴與瑟宜更張兮鏡已破而重圓汝何乳居而自苦  
兮終槁死其誰憐曾厥歎奈侘傺兮媒莫察予之衷情  
烈女不更二夫兮在古訓則明二詠柏舟于共姜兮悲  
黃鵠于陶嬰疑妻引斧以斷臂兮梁寡操刀而殘刑冷

女蒙被以流血兮荀氏以衣帶而自經吾悲不及古之  
人兮又何能踐乎二庭琰失身于塞外兮嗟怨憤其何  
如易安自辱于駟僮兮空嘆咤于桑榆荀大節之一虧  
兮又何取于雕蟲之緒餘吾亦知娶居之無聊兮忍而  
不能辭也將蒼天以誓心兮雖九死而不移也擘松枝  
以掩涕兮倚脩竹而延佇貼予室之翹二兮閱鷺子之  
良苦勉拮据以綢繆兮雖卒瘡而莫顧歲冒二其若頽  
兮時冉二其哀暮哀良人之日遠兮渺英靈其何處命  
靈氛以占筮兮召巫陽而問故曰兩美其不終兮孰知



其英靈之所寓匪修文于地下兮將玉樓成而作賦勉  
陟降以求索兮或庶幾乎一遇假蓬萊之仙輶兮驟螭  
虬而橫鶩邀金母使前導兮招麻姑使為御朝發軔于  
扶桑兮又余至于湘浦謁重華之二妃兮睇蒼梧之抔  
土事同心而相感兮淚斑斑其如雨道岷峨而弭節兮  
文君續其來迎余惡其失節于臨邛兮疾驅駕而不傳縱  
余轡于沙漠兮唾王嫫于青丘爾何嬖于二酋兮為中  
華之遺羞朝聘燕而莫粵兮遇浣沙之西施憤尤物之  
喪拜兮誰將戮乎鴟夷周下土而不見兮將乘雲而

上征對姨先驅以清塵兮娶女從予以揚靈沂天津而  
遵河渚兮見河東之織女隔夫君于一水兮亦脉脉而  
不能語雖嘉會之不常兮永相望于終古步蟾蜍而入  
月兮拜嫦娥于桂下后羿死已千載兮猶孤眠而不嫁  
惟廣寒之清光兮照萬古之長夜屬織阿以啟途兮適  
太微之所居羌中心之憤鬱兮將扣閭而問諸蹠何為  
而壽兮淵何為而夭共姜賢而早寡兮夏姬媼而三少  
莊姜仁而不遇兮嫫母醜而自好惟兩美其必合兮胡  
不與之偕老孰主張乎是兮而施之顛倒死者其何之

兮乃冥之而香之將秉化以歸盡兮抑輪迴于六道何  
下土而不遇兮增余心之悄之望閻闔之洞開兮蹇歛  
進而躊躇念下土之臣妾兮敢冒昧而干誅申禮義以  
抑情兮聊逍遙以自舒回予車以復路兮卒稅駕于故  
廬仰旌閭之赫奕兮輪奐翬飛而凌雲金書燁其焜耀  
兮曰表余貞節之門鸞鷁翩其高舉兮隨九霄之鳶羣  
願竭忠以趨勞兮報乾坤之渥恩余雖老死而無憾兮  
將藉手以見吾良人庶無媿于婦道兮光彤史于千春

哀逝水賦

商輅

哀哉水之為物也浩之乎窮四海而委形混之乎歷萬  
川而流行繫蒙泉之始發兮或檻出而旁通洎靈液之  
啟秘兮亦壑趣而科從上無高之不自兮沂銀潢而為  
蹤下無深之不入兮渺溟濶而為宮載四游以為極兮  
涵九提而為封浴兩曜而出入兮吞列宿而渾融三湘  
而漫七澤兮蕩屋靈而浥太空若乃時雨驟集潢汙橫  
流八埏伊阻平賦悠之黃河逆上地軸橫抽沮汝成淵  
絕巘成立禹功莫展丹績奚收及夫青娥告令白收秉  
權洞庭葉下吳渚楓妍潢歸潦縮澤枯隰堅海歛而碣



露漬江收而渚呈孺其往奚歸其洩何宣吾但見其亘  
古今繼日夜而東馳而日益長往而不舍指虞淵以為  
途兮迅方壺而遐征去益遠而返無由兮何西歸之可  
憑謂尾閭之復宣兮氣益充而瀟溟遂蒸蔚而上下兮  
爰循環而相仍噫有是哉天地之生賴氣以成輕清上  
浮重濁下凝浮凝定位乾坤以名流峙羅列二氣之餘  
惟斯水也一六之符氣入而盈氣縮而虛窮邃古而一  
軌豈斯今之可疑鑿斯流之不返撫人生之胡為羗朝  
露之易晞慨夕槿之就萎目睠々兮若存魂飄々兮如

馳豈天人之譽殃兮將修與短固有定數々固有之兮  
吾且信其必由理而寓理既宰斯兮諒惟善之是而胡  
於今之不然兮乃背馳而殊路茲既執疑誠而履柔淑  
兮獨中道而顛仆將修正之來咎兮抑此數適因時而  
昇賦每撫膺而浩嘆兮涕橫墜而莫禦噫噓歛閨門掩  
兮夜寥寂香徑空兮香無迹青鸞沒兮金鏡塵寶鏡冷  
兮沈烟息中饋空兮伏雌在蘋藻芳兮寧復來哀招九  
復兮魂不來白日忽兮掩藹渺深情于溟漠寄逝波于  
東海托迅瀾而通勤瀝余衷而莫悔觸余目而增歎攬

予心之芥帶水賤。今東馳日杳。今西飛送冥鴻。分  
三太息。夫人一去。今何時歸。

擬恨賦

有序

李東陽

予少讀江淹李白所作恨賦。愛其為辭。而恠所為恨。  
多閨情閨怨。其大者不過興亡之恒運。成敗之常事。  
而已。是何感于情亦奚以恨為哉。中歲以來。更涉世。  
故記憶舊聞。忠臣孝子。竒勲盛事。或方值幾會。遽成  
摧毀。失之毫釐。而終身曠世。不可復得。至今人吞聲  
搥腕。而不能已。聖賢不言恨。然情在天下。而不為私。

亦天理人事之想。感激雖以為恨可也。乃效江李體。  
反其為情。以寫抑鬱。而卒歸于正。知我罪我。皆有所  
不避。云其辭曰。

仰視大塊。流觀古今。撫陳編之磨滅。悲往跡之銷沉。或  
事幾之幸會。或禍敗之相尋。感志士之涕淚。傷善人之  
聾瘖。若乃國士報怨。吞炭漆身。遺恨飲器。潛身水濱。部  
馬為之驚跼。賊徒為之崩奔。奮仇于一劍。隕怨于  
千春。威橫強秦。怨深隣國。壯士夜奮神椎。書擊山嶽。為  
之爭氣。天地為之变色。誤失手于副車。僅逃刑于大索。



陳竇秉政誓清濁亂推席定謀露章請斷机事暗泄禁  
運坐畔塞宇宙于烟氛墮衣冠于塗炭昭烈繼絕武  
侯託孤勇復漢祚雄吞魏都陳二表之宏畧運八陣之  
竒謨忽將星之淪落悲帝業之榛蕪武廟將建唐社幾  
屋躍少海之潛龍返虞淵之日轂二豎伏法五王就戮  
功甫收于藥籠禍終留于机肉建中失母感蔡天衷顧  
衮衣與玉食嗟歎養而無從誤承歡于別輦翻飲怒于  
深宮冀百欺于一得意忍慟而長終金人南下岳侯奮  
矛復中原于破竹誓決策于焚舟神禱姦魄天遺國仇

痛長城之自壞委社稷于洪荒邊騎南驅江沙夜駐苦  
兵力之不支幸潮來之有虞海若助虐坤灵失據豈二  
儀之翻覆莽萬物之非故已矣乎江山改兮人民非白  
日黯兮陰風淒時不可乎再得嘆浮生兮曷歸駭餘聲  
于壁碎竹滅景于雲飛事難成而易敗世寡合而多違  
矢脩正以俟命孰利鈍之可期庶人定以天勝終斡旋  
于化機

東門賦

何景明

步出東門四顧何有敝塚培纍連畛接畝有一男子飢

卧塚首傍有婦人悲挽其手兩人相語似是夫婦夫言  
告婦今日何處于此告別各自分去前有大家可為爾  
主徑往投之亦自得所我不自存寔難活汝婦言謂夫  
出言何絕念我與君少小結髮何言中路棄捐决別畢  
身奉君不得有越夫聞婦言此言誠難三日無食腸如  
朽管仰首鼓喙思得一餐大命旦夕何為遷延即死從  
義弗如兩完婦謂夫言爾胡勿詳死墓同溝生處兩鄉  
飽為汚人飢為義殤縱令生別不如死將失愠視妻言  
乃執古死生亦大爾何良苦死為王侯不如生為農圃

朱棺而葬不如生處蓬戶生尚有期死即長腐潛寐黃  
泉美謚何補夫婦辯說踟躕良久婦起執夫悲啼掩口  
夫揖辭婦投淚西走十聲呼之不一回首

矜逝賦

孫宜

蒼：孟冬兮草木莽：緒風振于清原兮滄流淒其迴  
蕩葦徘徊而遠頽兮見丘墳之纍：狐狸卧其側兮豺  
狼號其四陸荆棘生而藟壠兮揪松儼以成行念三畝  
之是列兮悲九原之若堂進野叟而就問兮曰此故達  
人之藏昔夫子之享休兮羌積勢而執當秉炎威以灼



爍兮屹氷山而造穹蒼于宵鬼神避其力兮日月潛而  
莫襲其光或片言而致福兮一語爰以昏戕使玄黃卒  
可移兮將覆載為之易設歛轉市而成山兮神人乃于  
焉以驅石明珠遠致來越裳兮翠羽琴而羅家謂千斯  
之可矢兮曰壽夭而無常朝並齒乎河嶽兮夕乃齊乎  
秋霜縱袿襦以為藏兮亦祇益乎裨之度也矧一逝而不  
不復旋兮是皆他人之數也歲未幾而成墟兮瑩寵從  
而藜藿石麟竊而為砥兮翁仲貽之牧夫嘗椒漿其孰  
奠兮頽鵝彙其鳴呼覽斯土之荒穢兮吾既閱而嘆之

彼權夫之暴骨多槩何如而見之玉魚縹緲留人間兮  
銀河蕩而為池三泉湜其既竭兮九京之骸而奚遺死  
生之儻忽兮惟大人之遠覽生有義而死有骨兮欲昌  
被而不敢攬薛芷以結佩兮擧芙蓉以為裾懼修名之  
不立兮老冉其無餘使生無益于骨兮吾寧淹而速  
化既樹德以培芳兮縱名往而奚詫觀上古之明哲兮  
亦率由乎此行循繩墨而不頗兮故雖死而猶生三后  
之耿介兮乃邃焉而有稱旦凡二而無泆兮又奚愧夫  
沒身彼司馬之石槨兮世乃夷之非倫原倚石而自沈

今願以中而曜其名使逢者而可恣兮何堯舜之戒儆也棄梁梁而無尤兮何以名之準也信夫子之垂涕兮非緣乎土苟遐武其可暴兮吾將為季札之所醜

傷涯櫬賦 魏學禮

魏子歸自金陵將涉江焉有櫬在涓波時及之哀而作賦曰彼江干之汎濫兮胡斯裨之泊茲嗟迅湍其洶涌兮回波漫而及之骸形載而未露兮諒魂魄其有知俯舷旁而遐矚兮或慘々其興悲粵陳辭以訊之兮子胡為而致斯將子春秋之故及此兮或胤續之靡人將子

疾在于骨髓兮或二豎厄而莫振將子若楚纍之沈湘兮乃控節而殞身將子若魯生之蹈海兮乃憤激而投津將子懷璧而媒寇兮若道遠而中路將子引波以潔躬兮遂與汨而俱入非暮濟而蹶僵兮何既斂而塗泥豈陵谷之貿遷兮乃隧圯而濱涯嗟白雲之莫々兮慘侵肌以既沴惟風雨之靡蔭兮又巢窟其羣噬哀櫬夫之衆觀兮咸惆恍其倏睨——歆愴未嗚兮令何格乎掩薶將恐將惧兮行且覲其哀體吾誠不忍其即溼兮囑僕夫其徙之行者告余以勿徙兮此寔怨而死之官



將檢其棲止兮孰能易而之他嗟作法之鑿成兮碑之  
者之臨波顧余無力以庇之兮噫彼魄其奈何

哀賦 周應賓

哀賦悼亡兒也余止獨子弱歲早凋雖人命有期而  
天難遣愧無東門之達惧有西河之訃爰述此篇以  
暢厥意古稱溺者必笑余寔似之其體本諸恨賦其  
義比諸勞歌云爾

有生必死有死必哀試望蒿里孤塚纍誰不閱陳根  
而喟嘆攬拱樹以低徊矧余愛子如恨而死別高堂兮

頽顏棄寡妻兮稚齒行冉而而婦情惻其何已古

者西河哭子爰喪厥明雖有嫌于過戚固無害于深情

延陵習禮葬子羸博遠封右以王號亦難忘乎骨肉童

烏九齡厥有異資胡苗矣而不秀致子雲之餒而茂弘

子亡寔踐妖夢繫瓜葛之縈情每還臺而必慟故知死

有千端哀有萬類自古及今何可言既乃若門祚衰薄

嗣息伶仃甫叶熊羆之夢遽傷薜菌之英零雨亂兮春

花落浮雲起兮秋月冥綺羅散兮綦履絕金釭黯兮玉

軫無聲已矣哉寢床夕空朝觴不舉衣在梳而若蛻像

靚面而無語望靈魂之不来徒倚戶而延佇于是心痛  
若割淚下如雨撫摺匱以長號怨天道之不與至如秋  
氣變搖景物蕭瑟風入幃以瀏々木當庭而策々聞孤  
雁之嚙嘹登蜻蛉之啁唧此時秋聲塞耳悶氣填臆神  
一夕而九飛起撫枕以歎息泊乎素車發丹旌飛双轡  
夙駕駟馬悲嘶陟山河兮肅々入墓門兮淒々窀穸既  
掩送客辭歸莫不相視啣恤揮涕沾衣悵靈輻之空返  
睇斜日之睨睨徑草魚色林鳥交啼魂兮遠矣何去何  
依捨奕々之華堂即漫々之幽宇親戚是捐鬼魅是侶

聽挽鐸與哀笳鬼怛怛而心楚非上聖之忘情安能羅  
此獨若我形雖存我神已索顧孤影兮自憐難百年兮  
儔託若濟川兮無津舟汎々乎其為泊若駕車兮無輔  
行十步而九却念老人之無子知必擠乎溝壑爰寄  
哀于斯文異通情乎冥冥



明文海卷三十一  
 賦二十二  
 哀傷二  
 反招 有序 俞安期  
 范叔子雲門人也少有彊志博覽善辭君公車業師  
 心獨造海內學士翕然宗之咸得進用而叔子獨無  
 顯效因著書以議當世二亦嫉之至老窮絀無聊若  
 六合之內九州之上無以容其眇然之軀而騁其守  
 餘姚 黃宗羲 編輯

明文海卷二十二

賦二十二

哀傷二

反招 有序 俞安期

范叔子雲門人也少有彊志博覽善辭君公車業師  
 心獨造海內學士翕然宗之咸得進用而叔子獨無  
 顯效因著書以議當世二亦嫉之至老窮絀無聊若  
 六合之內九州之上無以容其眇然之軀而騁其守

騷之志者遂營度生墳築君其旁示與當世決絕意  
足悲矣昔屈原被讒見及其徒宋玉慮其魂魄放佚  
乃賦招魂招之其稱楚國之美區區堂粵之盛也臺  
池之美也陳設之備也脩膳之珍也女謁之妖麗也  
被服之文織也歌舞之雜沓也飲宴之湛荒也用以  
諷諫懷王而冀其覺悟以收原辭固偉哉竊恐懷王  
昏憤原未必收適開其侈誕之心皇甫謐譏其淫文  
放發誇競失體風雅之則于是乎垂諒哉其言也余  
不自量廼賦反招爰正宋玉之夸用廣叔子之意俾

其悠二順化遊魂玄愴窺本原之大同齊死生為一  
致苟居寂寞之身外馳紛華之志塊處尺五之地結  
相四方之遊徒絕快意之談蔑忘憤懣之氣得與有  
張毅之疾以攻厥生而漓厥直者耶遂作其辭曰  
肇有厥體魂附麗夢細縕時夜直不離夢君何佞二善  
遠遊此九州之土行不休夢異方鬼物羈魂是讐夢魂  
兮歸來毋奄其銷夢魂兮歸來齊魯不可以惕夢巖二  
泰山其嶽壘二夢逮此遊魂深以繫夢厲飈為崇權城  
撤室夢人其觸之揭而永殪夢歸來歸來毋適此輒軻



夢魂兮歸雍秦不可以招搖夢自癸及戊女魃驕此  
如煖如燠塵歛二夢蘊隆陸海濯二無毛夢觸骸書行  
諸叟二夢偵人肉血食飲號餐夢青天飛大聲號二夢此  
其災象尚不知所遭夢歸來歸來毋與禍交夢竟兮歸  
來蜀道不可以遊般夢羊腸蠶叢備險難夢上造參井  
下重泉夢一瞬不戒疇完厥身夢歸來歸來毋陷危以  
為安夢夢兮歸來交廣不可以少延夢火山赤坂置膚  
則潰爛夢蛇鬼虎張嘯人以為膳夢飛蠱狂遊中人以  
為昇夢茵露滾二厲煙煽夢歸來歸來毋入以瞑眩夢

魂兮歸來閩越不可以周旋夢耽二海民獷悞而營夢  
人身蛇文水中是潛夢捫人以戲載浮載湛夢歸來歸  
來不可與<sup>親</sup>夢魂兮歸來江漢不可休息夢赤壤千里以  
鮮黍稷夢炊彼遺粒如金如玉夢若教大鬼顛顛而不  
得食夢泪羅冤臣遭之心爽夢竟兮歸來毋貪其殛夢  
竟兮歸來幽并之土不可以躋夢嚴風利射膚坼指墮  
夢高冰崇雪人馬咸埋夢寒門幽里竟往必迷夢歸來  
歸來不可以由夢竟兮歸來中原不可以暫適夢哀我  
吳越災殄不絕夢旱潦四臻民生天札夢儵陵而衰儵

川而燠裂些疫廣淫行道殪如綴些復有子遺煙不黔  
突些魂兮歸來俾善息些魂兮歸來帝都不可相常  
些權貴矣些勲威陽些貂璫社鼠恣披猖些朱甍紫  
觀焜煌些些瓊筵金華絢雕堂些蘭宮蕙室網明璫些  
嬰童名倡進成行些華轂約軹巧趨蹌些文筵為藉瑤  
席張鸚鵡解鵠膚風膏烹些雲飛水潛截其昉些厭食棄  
芻豢珍異競些甘酸適調椒桂芳些鬱金吳醪汎都梁  
些夸毗磬折上壽先些諛言書甘擊踦連些些援登層  
霄抑沈淵些規些良士望難前些虞爾孤管紀其譽些

爰造新今遊客是學些歸來歸來毋以淹些竟兮歸來  
諸侯不可以客些習尚不同行止異適些臺池聲色畋  
獵是溺些益高為山鑿深為壑些寫象溟渤儀衡霍些  
曲池承流迴歛薄些被罔遵陴施繡幕些吳姬楚艷顏  
沃若些曼聲緩氣志靡弱些鄭音趙節通絡繹些歡樂  
頌息思聘躍些彌山絜藪忽震爚些乘黃飛鸞縱若射  
些如黃青散噬遠若權些殫情蕩思歸銜爵些左右侍  
御語諾些些東西是以亶不逆些陳說礼法誰根格些  
矯些遺直適懼其虐些歸來歸來毋往索些魂兮歸來



冠蓋不可以遊夢名位為寶道德贊狀夢顯榮幽及判  
不儔夢粵有陽慕或相招夢賦鐘飾鼓引筦篥夢瑤觥  
瓊髓旅獻酬夢白日為失稱好述夢聲氣好合期千秋  
夢片辭抵忤成戈矛夢含沙射影潛相謀夢歸來歸來  
毋相逐以蹈其就夢竟今歸來邊塞不可以彷徨夢蠻  
夷戎狄事攻殺以樂康夢跡躡中國攘奪無所懲夢啾  
啾夜啼此成國殤夢碧血漚草白骨成岡夢敵入不迎  
去不從夢材官邏卒刈人如董糧夢稜增恠相囊之而  
上首功夢竟今歸來毋丁此既克夢竟今歸來適新居

夢後倚危丘前清渠夢才築場圃右平疇夢蕙房蘅戶  
結中區夢木蘭為撩松為樞夢蒙以葛纍繚矣葉夢周  
旅松柏列楨欄夢隄有女桑叢有茹蘆夢珍木異卉鬱  
敷華夢懸綴皜雪疊排霞夢上集孔翠鳴鷄鷄夢淹留  
長離振朱鷺夢鱣鱣緇鯉千石魚夢驅鷄後犬伍麋麋  
夢魂兮歸來惟君<sub>是</sub>愉夢魂兮歸來入中堂夢曲几四陳  
列圓方夢蒲菹瓠脯藉蘭芳夢萼絲秋綠擘為羹<sub>是</sub>此夕  
莖屑蕨苗枯而為棖夢畦瓜五色碩朱瓢夢纍<sub>是</sub>林寔  
充筐筐夢陶樽既稌含醴漿夢松牀桂架陳縹緗夢蟲

書鳥篆列成行夢芒二紀載煥文章夢日含月咀擊華  
精夢尚論五帝揖三皇夢誕則玄聖友素王夢大庭華  
胥悅托身夢雲官鳥氏旦暮逢夢竟兮歸來樂何窮夢  
竟兮歸來留密室夢從容瑾戶守太默夢遊心無始休  
道有夢絕棄鬱纒居沕穆夢回矚昭曠靜以潔夢恬愉  
冲漠抱純白夢遠情遂齊萬物夢綿二若存保厥一夢  
古哲是儕歷千祀夢亂曰媒二晦二兮乘鴻濛齊得  
喪兮淪玄風世莫吾知兮循大變以始終羌憂患之不  
處兮視紛紜之玄同適天行乎人間兮化則憺遵乎壽

宮

招魂詞 錢琦

萱以清淑勤苦積學成名早拔賢科游居儀部夫何以  
獲罪謫守德慶州客死矣方輿櫬艱險歷程五千悲哀  
罔及五內割裂父乃長號遠呼升雷四望而招之曰噫  
魂歸乎來爾父在堂嗟乎日昃之離爾在土八載其將  
儔依噫魂歸乎來妻妾三人來滿四旬四子二女孤苦  
伶仃哀聲載道行路之人有不忍聞噫魂歸乎來縱不  
于爾父母是念尤當憐室內之無人繫歸來德慶不可



以以往兮瘴氣最惡白日如昏殺人非忍十往一存况  
 夫雕題推髻何有子三吳民俗之淳繫歸來南方不可  
 以止兮蝮蛇蒸之封狐九尾巨虺噬啖入脂髓繫歸  
 東北方不可以以往兮一望沙漫誰其友隣飛雪千里  
 層冰如山去不復還繫歸來東方酷熱金石燥流咸池  
 若木浴之日駕濤長入千忍吞噬莫逃繫歸來西方無際  
 鬼教移人非我族類流沙傾陷弱水難濟繫歸來無上  
 物利豐險隆震威飛廉插翅縱能力排閻闔帝閭之怒  
 不可避繫歸來無下幽都河伯馮陵龍師乞之吞象之

魚深淵莫測魂兮歸來閒以靜止峽山之東景物勝麗  
 父兄宗族生長故地樂不可言只峽東之春舊屋數椽  
 鶯歌燕舞花卉爭妍魂兮歸來恣所適只峽東之夏門  
 墻幽楚稼穡稠二黃鷄白酒主賓獻酬魂歸來兮恣所  
 飲只峽東之冬時和歲豐蒸羔烹豚炮鮑炙鳧魂兮歸  
 來恣所嘗只峽東之曉暘谷始旦萬物畢見峽東之暮  
 崦嵫滅影月星滿戶其樂無度魂兮歸來尚信汝父

哀黃生賦有序 湯顯祖

余友黃生名棟里人也年六十矣貌寢孤貧聞遊者

談京師之富胃漲而行止之不得至徐州中暑橫鼻  
過東平已不任視聽矣至京一日而瞑同里入共瘞  
之閔南余咸其生時驩謔撫瓏酸涕下第陸滯不能

許初學之有過不貸之補 目上第載

言者

駸君幽寢歛不吞聲嫌

相嘲切歛不陳辭難相飲噎生貪好書仰人肩曉定本  
中箱亡書別篋蠹跡難覓蠅頭自寫獻笑虞初涉畧蒼  
雅目不知書玉珮金車讀書如此不及侏儒生故無子  
求方服食雖有閒情曾無弱息不善為容揭露喉齒掉

臂而行槃跚步履故無長志亦復短視忽慕豪華來觀  
帝里帝里云何昔我經過夏浸積空江淮沭河濤翻雪  
島漩轉雷渦曲折駭頓寧任風波渡江而馳僦逐驟車  
楚輪疾裸牛馬之餘中日疑齒蒙頭變軀懸發有程不  
得徐驅寒門暑路礫石義永羊腸噉險駮耳摧零公無  
渡河余方泣岐拔劍而去不若哺糜生時揮手語謝朋  
友帝里豪華誰非白首土風便習豈問妍醜結駟難期  
蹈隙時有余聞此言重相止觀凡今之人年輕力健勁  
出如鎚巧入如線動止如風舉指如電若鬼若神潛形



談京師之富胃漲而行止之不得至徐州中暑橫鼻  
過東平已不任視聽矣至京一日而瞑同里人共瘞  
之閔南余咸其生時驩譔撫瓏酸涕下第陸歸不能  
致彼故鄉先賦逝言

哀哉黃生二年甚飲今日故入醜君幽寢飲不吞聲嫌  
相嘲切歛不陳辭難相飲噎生貪好書仰人肩曉定本  
中箱亡書別篋蠹跡難覓蠅頭自寫歎笑虞初涉畧蒼  
雅目不知書玉珮金車讀書如此不及侏儒生故與子  
求方服食雖有閒情曾無弱息不善為容揭露喉齒掉

臂而行槃跚步履故無長志亦復短視忽慕豪華來觀  
帝里帝里云何昔我經過夏浸積空江淮沭河濤翻雪  
島漩轉雷渦曲折駭頓寧任風波渡江而馳儼逐驟車  
楚輪疾塚牛馬之餘中日疑齒蒙頭變軀懸發有程不  
得徐驅寒門暑路磔石我永羊腸噉險駮耳摧零公魚  
渡河余方泣岐拔劍而去不若哺糜生時揮手語謝朋  
友帝里豪華誰非白首土風便習豈問妍醜結駟難期  
蹈隙時有余聞此言重相止觀凡今之人年輕力健勁  
出如鎚巧入如線動止如風舉指如電若鬼若神潛形

魄現如瘵如蛔食復轉變承鬣嬉遊侯鯖穢羨生無技  
狡槃阿則便古人有言貴不如賤白首華京非生侶儔  
號曰強起名為宦遊年高始壯漏盡何憂如生已矣宜  
終首丘左思摘白楊雲逐貧人皆有憶我獨無身幾腸  
蠅鬣龜腹鳧脰影必隨形力不敵命河上郵亭別館橫  
經妻稱牧犢子字螟蛉希夷自貢怪魅無逢翻為浪士  
忽翳雲蹤陰陽之食貧病之容中暍徐拜遊魂岱宗裸  
致于京不復省人目直猶視舌橫難陳一宿而冥同旅  
悲嗔藁瘞都南時服周身他鄉是客異鬼非隣已迷生

路寧識歸津千秋一寄萬里同塵曼曼獨冢遙三族親  
冤飛渺茫過鳥號翔何當指取還君故鄉

擬招

招兩亡女

沈宜修

槎夕已往蘭會旋臨悠々生死心乎痛矣杳冥泉臺  
無期再見擬焚騷而招之

魂兮歸來閨中弱質豈堪涉彼冥途些繫汝二人昔何  
為而來今何為早徂些使我暮年罹此傷心天何以控  
呼些歸來歸來返戶樞些魂兮歸來金風乍涼玉露  
冷些秋蘭芳馥芬盈庭些小池風度亂藻萍些曲檻蕭



森敞浮清些軒閣明窓好談經些無諍三昧無爽靈些  
婦來婦來得清寧些魂兮歸來木葉微脫洞庭波些菱  
歌晚韻冷芰荷些鏡圓魄淨翠蘿些清風徐來澹素  
柯些纖雲天表澄練河些花竹映秀耀曲阿些秋華多  
麗休羨考槃之過些婦來婦來不可以蹉跎些魂兮歸  
來床間有書可娛目些架上有琴可橫膝些婦來婦來  
無虛室些魂兮歸來墜露可飲落英可餐婦來婦來無  
遙想些魂兮歸來荷衣蕙帶芙蓉集裳些北牖風清小  
簾生涼些花覆簾低爐裊香些蘿屏曲映繞畫湘些粧

前明鏡舊日之光些婦來婦來返故鄉些斷香猶茜匣  
遺芳些蕙帳空兮怨啼螿些故園回首豈無自傷些婦  
來無渺茫些魂兮歸來藥卉疑階艷秋棠些微雨踈桐  
滴銀床些風月正美容與徜徉些樽中有酒羣集流觴  
婦來婦來無徬徨些魂兮歸來兄弟成行姊妹連袂  
何汝二人獨遐棄些婦來婦來不可以以睽些魂兮歸  
來聚談竟日謔浪笑傲些花草參差堪臨眺些歇雨送  
雲林端留照些婦來婦來速歸還些魂兮歸來冥漠無  
倚日月無曜些婦來婦來一室之中豈殊調些魂兮歸

來胡然而以寓此挂露涼煙夕有度此閑宵漏靜清輝  
徹樹此房櫳幃幌仍回顧此歸來歸來可疾趣此去路  
茫無親故此長夜漫漫永無照此歸來歸來何為乎  
誤此魂兮歸來朗景清冷素風吹此高秋搖落昔同悲  
些白雲黃葉堪賦詩些蒹葭蒼蒼何無思些魂兮歸來  
不可以以離此亂曰熠燿燦兮商氣清落芳蕤兮鷓鴣  
鳴時不可兮復再得惜往日兮徒傷情風嫋兮思無  
極水潺潺兮秋望平蟪蛄兮無聲蟋蟀兮宵征又曰沈  
瀛天高兮良夜修空目斷兮懷離憂銀漢沉兮月華

流魂兮歸來無淹留

傷心賦 沈宜修

昔人有攀桑條而泣涕覽搖落而興悲無非感時事  
之移異物色之變遷也二女亡後倏為經歲庭花幾  
落夜月幾圓病中言宛爾如在憶昔儀容已成隔世  
思忽忽以若遺心忤忤而常憾黯兮回風惜乎往日  
蕭條野曠沈瀛天高鬱無畔靡靡之痛難不歸渺渺  
之魂傷心若此聊賦斯言

夫何物之最慘于世兮情莫傷乎死生終翳之玄壤



永春：今九京倏奄然而長逝歎一語而絕聲斷窮煙  
于碧落若晞露之槿榮恨填膺而不息憤無控而難平  
卓荒涼而改色雲黯淡而凝橫眇音徽兮默觸遺韻  
兮悲盈是以鶻血流枯猿腸悽惻芳樹愁深霏絲怨織  
春葉紅消秋蘭寒逼茫：宇宙奚痛如極而迴思在昔  
靡不瞻依顧復銜恤掌上珠璣端嫻治澹淑慎威儀温  
明愷惠婉約瓌姿如柳稻之早辨聞絕弦以先知這瑤  
華于郎月襲花氣于羅衣容光麗而耍眇德音靜以清  
懿邈仙踪之一去歸環珮以無期閉歲蕤于寂寞慘搖

落于芳時啟房櫳以歎喚驚斷絕而還疑情一緒而百  
結恨萬縷而千思於是每誇燕趙才壓班劉容迴雪而  
妍媸兮裁雲以令收飄娟嫋之輕袂兮振舒采之纖旒  
曉傾鬟于菱鏡夕遺佩于芸篝清言啟而斐疊逸以頓  
揚以閑幽吐芳蘭之秀潔含潤玉之瑩柔爾風流以頓  
盡余愴懷以無休觀風寒之碧蘚覽霜冷之青楸殞桂  
芬兮寂：悽梧影兮悠：每恍：兮在目時忽：兮遷  
流笛怨山陽人遠雁哀隴首雲秋鶴去悲餘華表鳳飛  
音斷秦樓感百哀之瀰漫擣寸衷以若草無言而自

綠花斂黛兮如愁恨莫恨兮連摧折哀莫哀兮見無絲  
 桐玉顏之早謝若朝暮之蟬蛸迺又篋留蘭膩燼冷麝  
 煙斷明光于月下咽參差于花前粧臺靜而塵滿繡閣  
 閑以脩然風颯慄以紆結鳥哀鳴以多憐鏡孤芳而無  
 覽衣歇香以遺妍文窓窈窕永棄筆床翡翠長捐更以  
 鴛機羅織紈扇無鮮寒生綺幌零花落鈿琅函掩卷錦  
 字停箋怨蠟流殘兮照夜愁斟不復兮長筵自彩雲兮  
 一散悵明月兮空圓折芙蓉兮誰寄淚隨波兮潺湲煎  
 迴腸兮不息纏痛思兮連綿摧百卉兮無光蔽朝暉之

艷景蛛網縈兮殞宮奠漿陳而空冷捨此春華藉彼永  
 夜素魄慚形姮娥吊影遙憶前歡何堪重省望歸魂兮  
 迨二迨青燈之耿二樹迷離于庭除蟲慘切于軒屏總  
 帳空垂靈機靜晝梨粉飄香疎枝影瘦風景不殊人物  
 非舊簫二白楊煙光相逗至如空梁泥墜雁來燕歸朱  
 悄二斜日依二鎖藥欄之繚繞掛簾月之霏微風狂  
 呼兮雨泣秋木變而歔歔又若林花吹盡柳絮飄揚永  
 斷送春之旬終無咏雪之章怨蟋姑于夕露愴黃鳥于  
 青陽花放河陽之錦菊舒彭澤之芳無不悼生對景感



發臨觴動脚惆悵靜處徬徨看白鷗兮愁不去遠萱草  
 兮夏難忘魂徨兮恒慘絕涕浪兮時沾裳涕沾裳  
 兮情何已新夢回兮離思長歛一慟兮心哽咽望雲霧  
 兮空蒼兮亂曰春光爛熳兮虛佳節冬日蕭森兮凄凜  
 冽茫兮代序兮徒自傷生死殊路兮永為別

奠

明文海卷二十三

賦二十三

述懷一

述志賦 劉基

餘姚 黃宗羲 編輯

鮮余生之眇眇兮荷后皇之深仁具五氣以成形兮受  
 明命而為人體乾坤之粹精兮晞日月之景光漱飛泉  
 之華滋兮浥灑露之醇英製杜蘅以為兮藉萑若之菲  
 菲佩琳璆之玲瓏兮帶文藻之歲蕤朝濯髮于蘭池

今夕偃息乎瓊苑願馳騫以遠遊兮及白日之未晚駕  
輕軫之將二兮服蒼虬之駢七遵大路以周流兮曳虹  
蜺之委蛇挾長離棄鶴兮疑閭闔之九門豐隆為予先  
導兮百靈為予駿奔前燭陰以啓途兮颺凱風使清埃  
覲北斗于文昌兮朝玉皇于帝臺食元圃之丹萸兮澡  
天潢之芳津激微焱于桂枝兮輕波起而龍鱗清都不  
可以以留兮忽乘雲而遐征浮江湖之浩漭兮陵山嶽  
之崢嶸野莽蒼以多榛兮路險隘而紆曲獠魚然而  
攫噬兮蝮蛇蜿蛇以當陸鬱忡以怵惕兮適皇七以

營營雨淫七而不止兮霧黯七以晝冥烏鳶號以成群  
兮鳳孤棲而無所楚屈原之獨醒兮衆皆以之為咎欲  
振迅以高舉兮無六翮以奮飛將脂韋以從俗兮非余  
心之所怡長太息以增歎兮哀時世之異常棄韶夏而  
非聽兮登傑休于中堂笔軒于以和羹兮腌鮑魚而實  
俎斲梗楠以結爨兮束荆棘而為柱施晉麗于丘陵兮  
怨魴鯉之弗獲虎兕逸于山林兮循戶庭以求索前蒙  
腹以指途兮彊揚子使操轅命侏儒令舉鼎兮削都盧  
使守閭歲冉七而將頽兮日暖七以就昧松柏摧而根



死兮江河化而為澮秣予馬于不周兮整予轡于樊桐  
無蒼龜以決疑兮迷不知予所從搏扶搖以為輿兮攬  
列缺以為輶駟清鳶之爰上兮超煙靄而上浮梁天津  
以濟河兮睇紫微之神闕開明怒目而電視兮猨豹吼  
而山裂進無人以為之先容兮歆自獻而不敢氣勃鬱  
以憑中兮心惻傷以惜慄過少微而歷明堂兮就軒轅  
而陳情雷霆砰其隱麟兮馬辟易而不行訪六符于泰  
階兮求民極之所在咎繇不可以作兮競狂直以為罪  
凌天街以徑度兮造旬始而瞻西清衆畏讒而卷舌兮

孰能白予之忠誠怡悒其無止兮然情上以狐疑要傳  
說于箕尾兮命靈龜使占之曰有名必有實兮若形影  
之相因相福極出自天兮又何尤乎世之人鼎胡時而  
不烹兮旃胡張而弗麾瓠不可以射侯兮駟不可以策  
而馳衆蠕上以朶頤兮若頽波之東趨謂翬瞿為弗章  
兮爰羸豕之負塗方不可利而規兮白不可涅而黑悲  
桂椒之芬芳兮與朝菌而偕落殷比干之剖心兮時豈  
不知其聖人魯仲尼之過化兮馬為役上而無所容其  
身由彊義而罹殃兮惠直道而被黜子胥忠而殞命兮伯

夷清而不食將登山而迷路兮歛涉水而無航東西南  
北安所之兮頌焉擇其所長神冥亡而不下兮龜又厭  
而弗告思結而不抽兮意恍惚以震悼忽濫汜以遐舉  
兮行遊目于太荒羲和不可扳而留兮恐年歲之弗將  
駕廣漠而南征兮叫重華于九疑山峯亡以蔽天兮  
江蘇亡而不可窺遭吾道夫西陲兮聽鳴鳳于岐陽慨  
未黍之離亡兮梧桐摧而不生浮龍門以沂河兮訪夏  
后之遺跡川瀆混而不分兮鯨鯢起而人立攬駢轡而  
迴驚兮謁陶唐之舊京無衣裳以禦寒兮哀蟋蟀之悲鳴

心恨亡以增傷兮神夢亡其若醉淚洛亡以交流兮以  
憂湛亡兮而來會傳說之版築兮無武丁其誰舉夷吾  
不逢夫鮑叔兮竟淪沒于囹圄推竭心以服勤兮上介  
山而立枯種霸越而滅吳兮終刎頸于屬鏤樂毅升于  
金台兮何遁逃而走趙周條侯之耿介兮卒含怨以餓  
餒忠有蔽而不昭兮道有塞而不行名不可強而立兮  
功不可期而成季斯上書以相秦兮空自貽于罪尤買  
臣顯而戮辱兮豈如負薪之無憂魚赴餌以中鈎兮雉  
莫媒而膺鏑鳳凰翔于丹穴兮又何患乎矰弋逐余旃



之旖旎兮選予車之鞿屨采薇蕨于山阿兮擷芹藻于水濱冽元泉以瑩心兮坐素石以怡情聆鸞鳴之豫兮玩卉木之敷榮挹清風之冷兮分昭秋月之娟兮登高丘以詠歌兮聊逍遙以永年

四愁賦 黃淮

冲虛子索居屏跡息慮省躬因洞觀夫元化爰有感夫深表年與時馳羨景物之不異情隨時變何忻戚之靡同若乃陽和煦育品彙昭融穠李芳桃耀繁華于朝日金鞍綉轂醉羅綺于春風轉歌喉之窈窕藹香露之空

濛濛鞠鬪雞斯遊未已爭妍索咲其樂何窮我則低摧喪氣憂悶填胸虛負歲華之遷易那知花信之始終聽簷外鳴禽空教夢斷見墻頭飛絮始覺春濃慨窮途之寂上奈幽思之忡上至若蘭雨傳香鷗波漲綠開池館以來南薰折荷簫以泛醺醪和白紵之新詞歌采蓮之鹿曲或鳴琴以俯清流或岸幘而倚修竹扇影風泛兮齊紈篔簹涼透兮湘玉我則衆穢流腥炎蒸蘊毒飛蟲旋繞遺拂何暇于言談流汗沾濡起居不離乎裊紛然塵垢之侵肌叢爾竈烟之迷目為敢肆其趨蹌豈能

頻于盥沐及夫序屬三秋金風扇冷時維殘臘素雪揚  
威眇鄉信之沈迷目窮雁字若凝寒之慘慄體怯鷄衣  
漏沉上兮長夜魂渺上兮親闈警鐸傳聲兮駭膽而慄  
魄殘燈照影兮洒淚而長吁于斯時也爾乃鬪勝誇奇  
携朋拉友浥九霄之沆瀣待月南樓琬六出之奇葩張  
筵北牖列侍女擁歌姬薦嘉肴稱壽酒婉兮媚物之情  
哆兮懸河之口第恐為樂未央而盛時年貌之不畱又  
豈知窮愁迫感而羈人歲月之易以也嗟夫予嘗究夫  
庶物之理萬化之原是非互見得失相沿競侈靡縱遊

觀則流之于放閔阨窮極愁苦復溺之于偏况消長盈  
虛實元機之旋斡而窮通壽夭豈人事之能遷是故陋  
巷簞瓢回也不改其樂易簣待盡參乎獨得其傳又若  
陸續顛危而不忘乎孝行史遷殘毀而猶校夫陳編韓  
退之貶朝陽而侃然正大之氣上下霄漢杜子美走川  
峽而懇乎忠孝之情屢見詩編此皆騰輝于汗簡非徒  
誇大于浮言復有至人道備德全不與時化不為物牽  
胸悲喜于一致安性命之自然匪棘匪徐留心淡泊之  
域爰清爰靜游神冲漠之天斯其盛矣我願學焉



戎旅賦 楊慎

恭承恩譴兮于役滇越捐珮江華兮解紳雲闕三陟崔  
崔兮九折黜亡不日不月兮遂屆窮髮撫孤旅而悵脰  
兮拚衆困而慙心悵圭籥之駿邁兮逾四稔而迄今父  
母孔遠兮懿親離而北南類連達而分衢兮似同波而  
殊導慈鳥忻于共巢兮恒鳥悲乎異林彼織羽之微族  
兮亦命侶而踟躕何生人之含靈兮乃離羣而弗如咏  
清人之介駟兮感放士之鳴鶴姬公畏于燿耀兮尼父  
喑夫蟋蟀屈托乘于螭豹兮莊寄徑于鼉鼉在聖哲而

固然兮攬古人而重歎哀吾生之雁郵兮背中土而播  
荒粵戴盆而伏堪兮掩嶸之末光神悅恨而蜚颺兮形  
形鬻卷而僮囊睇孫水之浩渺兮瞻靈閔之峻極聆猩  
猩之夜啼兮履狒亡之朝跡尋終古之攸居兮問祝融  
之昔宅胥靡登而不懼兮魍魎過而奚慄岨岨颺揚兮  
含沙影流喟茲徂春忽為杪秋月兮殊于九州兮瘴  
卉華而歲周若有人兮好我携旨酒兮思柔采檳榔兮  
綴扶留贈相離兮結忘憂寒鷄鷄兮為脯露江魚兮為  
修滇歌兮爨舞白目遊兮元景浮獨特觴而懷遠兮雜

歎歎其向取遂還軫而休室兮  
 隱零雨于寂夜引簟枕  
 而假寐兮遙夢歸乎親舍  
 家人嘻以款語兮閭里紛其  
 來訝衆鷄鳴而驚余兮晨光  
 眇乎東射懷夢惟而覺悲  
 兮淚承睫而交下假靈氣以  
 歷古今援龜頌余謝曰明  
 庭其布德兮子行歸乎肆赦  
 系曰莫靡荒服自中古兮  
 日月之表燭不普兮章亥步  
 窮禹罔都兮蘭津開道  
 行商苦兮碧鷄望祭使者阻  
 兮余亦何為恒此土兮金  
 躍不祥順忤兮樂天知命去  
 何憚兮

續思元賦 并序 桑悅

昔漢張平子以圖身之事吉凶  
 隱伏難明作思元賦  
 予居京師數月觀之人情物理  
 有難曉者曰自號思  
 元居士為續其賦云其詞曰

惟大化之茫茫兮邈曹蕩其無  
 垠極浮氣之幹營兮洵

五行以鑄身五行之氣糅雜不齊故稟氣多濁留帝則

之精鑿兮抱羣聖之貴珍列聖所貴流涓以瀉澗兮

糅滿湊而夾塵喻天理幾微穩衡以徵瀝兮膠谷投

以逗直勝私復出清冷于標霍兮歸鎮靜于紛續混太

初以翺鷺兮悲象物之不純明出仕繫長江之湛兮



窈窕其止泣混有瀨兮芬芬有芷二句屬興三篇家法安秉德

以鼃飶兮紛或迎而迪理孰有濡而不潤兮孰有翼而

不起吐火霧以糅錯兮悼毫光于一指孰吻上以滿聽

兮攝霍鳴乎在子汲冢周書云周時有獸名曰在子餐桃漿于金墉兮

味甘露于沃渚張華博物志沃渚之野有甘露食之人壽千歲謂腸之葷穢

兮薄天閣而叱止汨淵居以沒景兮作溟漠而延佇田

甫田昞上兮鑿措稗而藝黍懷美人于寥廓兮敢遺芳

于下女彼古聖之涵被兮翼踵輿于平丘事慄上于刻

木兮皇帝上仙其臣亥木以朝諸侯朝驚上于委裘矧祖宗之渥德兮

又蓋臣之好修技傳說于版築兮舉寗戚于飯牛巢父

出而就祿兮州支起而運籌咀宣尼之委脯兮觴三五

以遨遊恨毫芒之不建兮還貧賤之可羞攬明月于燕

臺兮逝將去而夷猶閉旅閤以靜俟兮間徒何乎長準

冀植葱之成韭兮解雅云王道明葱為韭恐蘭委而化茅鑿朋詒

之撲滿兮媿戚投之佩刀憑早雲以輸棕兮痛賈生之

弗遭賈誼傷已不得行道于時作早雲賦悵歷仕之不遇兮軫仲舒之賦

騷董仲舒作賦捫萬象以般礴兮亦何自失于囂上守專

誠于極物兮撫大化而鬱陶初予選日以朝宗兮馬垂

頭而元黃假詹尹而詢占兮衡氣機而莫量執稷契之  
陳軫兮佩伊呂之餘囊觀天謎以探兆兮鷓鴣忽鳴乎  
中堂進揆途而聽瑩兮退離則而徬徨荃育德于深宮  
兮開明堂而聽改目絕傾乎柔曼兮耳不聆乎衛鄭役  
田文以接士兮驅巷伯而治倭優暫御之岳上兮賞從  
諫之羸正向子遷乎卑室兮沈潰徒而出境五侯負乎  
羈絏兮三家奔乎詔令圖澄長髡以力作兮左慈刊眩  
以委命嘗九天之稷味兮和鹽梅以調證審八表之虛  
湊兮進藥石以愈病才有峻而莫嫉兮功有大而莫競

光龕燁以昭近兮惡私思之燈燭刑堙坎之昭示兮通  
擊珩其必戮溫詔令以參繚兮郵遞永于谷春崇國整  
以懷夷兮曾鞠武之可躋倡優拙而訥上兮吉士悃悞  
而惡祿披端練汰乎飛瀉兮躬質亮迴乎華褥鑄羸遺  
之并噬兮克限田以為蠲力儲豐以熟凶兮毀璧珠而  
比穀鑿尤物之為痛兮炎嘉祥而豫撲磔不遺于鰥寡  
兮金精披于伯牧扈直毫以臨匱兮稽回忠而必錄心  
應龍而自畫兮浚瀨淤而疏瀆務根本而剝華兮一四  
海而同俗淵洋上以逝鱗兮野伎上而奔鹿悵茲懷之



莫展兮臨河水而予于衽大易以行藏兮異徵顏而判  
辱紛髦也仁以閹參兮何元理之難徵孝婦稿木以彪寬  
兮子摧抱樹而隕生雨采孝而密意兮火焚忠而莫靈  
魯陽何揮而日駐兮秦青何唱而雲停耿恭何拜而泉  
湧兮鄒衍何嘆而霜零共工何觸而崩山兮杞妻何哭  
而隕城詢往牒以昭晰兮胡適鑿之冥也仁謾本初而瑩  
察兮不外蝕而虧盈盼中達以旋車兮且縱覽乎八荒  
披雲夢之霧褐兮表赤城之霞裳騎白鵠以上騰兮引  
牽牛以服箱離雲旗之藹裔兮弄電幟之輝煌江祿邀

予于江淮兮姬晉歌嶠而稱觴懷所美于方壺兮脩然  
贈之以扶桑容成愜予之才藻兮雙成誓予貌之不揚  
帳形容之迭洩兮敢徒倚于帝鄉鋪予仁為木德兮流  
予智為天潢融予骨髓為四岳兮化予津液為三江鋪  
仁以下四句有楚詞以來無人道得混吾我而俱喪兮獨與道而翱翔願  
芬苴之可樂兮念墜崖而怵傷苟吾真之未返兮焉斯  
世之可忘





射者不為人易其殼琴者不為人改其操故師可易而法不可易也是以物有不以貴易賤富易貧榮易辱者矣故茂草不負垣美穀不生轍懼所托者非也是故求樂其心者不求華其身求顯于後者不求耀于今故夫子周流刪述墳典筆削魯史左氏者著國語馬遷抽史記荀卿董子之流皆有論議大抵困屈窮阨發憤作述茲數聖賢者寧徒耀于當世哉僕少執寡昧竊有慕于古人之義弱冠即仕出入班行者已越六歲頗有齟齬之嘆焉正德戊辰皇上御極之

三年詔許罷歸田里得恃親膳既荷洪宥殊協夙情于是始欲究著作之原博覽歷之勝竊附一家之傳庶艾不稱之戒僕嘗以漢之文人工于文而昧于道故其言雜而不可據疵而不可訓宋之大儒知乎道而嗇乎文故長于循轍守訓而不能比事聯類開其未發故僕嘗病漢之文其道駁宋之文其道拘反復求斯尚未有得要之鄙意則欲博大義不守章句而于古人之文務得其宏偉之觀超曠之趣至其矩法則閉戶造車出門合轍不煩登途比試矣然又欲傲

子長好遊之意抗志浮雲徹迹九有以博其大觀以成其文章斯亦不墜古人之餘烈哉于是叙出處之槩援聖賢之風揄始終之志作述歸賦豈敢自附于前哲用以最之于將來矣辭曰

有申氏之遺風兮吾顯祖乃肇家洎大人之有立兮遂振落而揚花爰伯昆之繼美兮惟末身以降予寔獲夢之曰吉兮日舍寅而筮嘉予既承此紉美兮懼服志之不遐登隴坂之陂陀兮泛涇渭之洪波極峭函之重塞兮由惇物與大華覽鄠鄠之餘風兮沂漆沮之遺教究

城隧之湮沒兮哀二世之禍羅雖孺齒以隨侍兮虞年歲之日加飭華驥以西反兮恐修路之蹉跎忽天門之廣開兮值日月之盛明願自飾以進君兮得近君之末行鬱文昌之中興兮聳圖闕之印上揭華蓋于正殿兮翼玉闈之與金廟塊層台之隆起兮嚴複道之委長儼宮觀之榮瞻兮接修翼而翱翔奉鸞車之清塵兮窈黼帷之下光服恪勤于朝夕兮異予表之必揚倏天地之易位兮星辰錯而無綱聿迅飈之亟至兮會浮雲之徂征憂雪霰之交增兮履中庭之凜霜紛衆莽之凋毀兮



恥松柏之孤芳豈予情之耿介兮實悲夫蕙華之搖傷  
頽涓忱之莫彰兮敢幸澤而干榮仰皇度之寬綽兮得  
屏放于故鄉歲戊辰予南驚兮臨大路而高車眺元宮  
之闡曠兮倚修城之曲隅泪潢潦之濡轍兮白日曠而  
忽逾塵暖以蔽空兮風發以而揚衢視僕御之零涕  
兮驂悲俛而不驅遵涿野之通行兮經蚩尤之故墟陟  
燕昭之崇台兮訊樂毅之所居覽冀州之地址兮式有  
虞氏之故都出晉野以于邁兮行各亘以逶迂下滹河  
之隍洲兮接邯鄲之修塗企魯連之風烈兮雖異世其

弗渝懲奢麗之覆亡兮憫豪盛之靡餘朝予濟乎洪河  
兮夕弭駕于淮滢逝逍遙于故域兮耽樂極于桑梓治  
丘慕之穢草兮考先祖之德裔侍顏色于閨闈兮服左  
右于起居分崖谷以畢處兮辭纓綬而不縻啓衡門而  
葺茅兮循蘭徑之委土藝嘉菊之百畝兮采芳若于中  
止伊予既秉茲之超寂兮恐邁吾之盛年檢古人之遺  
美兮心竊傲而不敢愆樹六藝之旒節兮類百家之遺  
編殫仁義之遐風兮略眇眇少之陋觀下何探之不幽  
兮上何求不元乘二儀而列三光兮揜九區與八埏揚

素筆之芳烈兮修簿辭以為編綴大賢之緒論兮紹斯  
文之未傳曷章句之足守兮發矩矱之自然汲時日以  
述厲兮惡名稱之不延昔夫子之喪位兮迺周流而轍  
環望龜山之蔽翳兮去魯國而盤旋臨河水之洋洋兮  
托哀操于鳴絃疾予心之迫隘兮願輕舉而遠徇羌筮  
日以造遊兮嚴吾駉之翼亡飭桂衡之趨駕兮蹇采旌  
以前飾乘白螭于上袞兮曲文蜿于兩服張孔雀之翠  
蓋兮諧鸞音于下幅施結璜之委佩兮謹垂鞶之式也  
涉洛水之靈波兮恐宓妃之不得使文魚以媒之兮怨

約言之我食抗予力于南兮秣我馬于漢側豫遊女之  
不信兮解我袂以明德順湘流而下沿兮望九疑而夕發  
從二妃以並翔兮忌神人之相越離江夏以東邁兮  
覓吳越之所在弟夫差之故宮兮尋伍胥之濤瀨滂麋  
鹿之遊宮兮惋鴟夷之被害極禹穴之幽冥兮窮會稽  
之勝槩慕太伯之清聖兮欽季札之耿介勗余馳以流沔  
流汎兮安崇卑之不臨北旱海之爛灼兮西太素之積  
陰氷互結以承輿兮霜霰零而接岑而陸屈以暑徂兮  
或受蛇之陵侵取馮夷以極行兮盼東海之漫滄休天



地之冥晦兮懼陵谷之隳沈速反轍以旋服兮息余丘  
之茂林終養恬以順年厭予心之所謀世清濁而莫以  
察兮修短錯而不倫芻桂芝以秣蹇兮各糠糲以飼人  
豢羅牛而被以文服兮良馬棄而不陳賤馨烈而不銜  
兮反逐臭于海濱予憂乎鳳凰之不鳴兮豈云係乎麒  
麟彼蘭草之國香兮歛空谷以自珍聊委順以祈齡兮  
吾又安尤夫人亂曰南有嘉木有鳥居之朝破其巢夕  
則去之代愈下兮詩書道微曷曰予不還歸即彼昭々  
去彼汶々今則靡榮後有問兮

司命賦 趙時春

客有以東芻加塗綵繪飾素金碧縈紆繡刺抹傅冠夏  
后之章甫合軒轅之制度標曰司命之君祇承則昇福  
祚惠而好我用啓窮固主人辭而難焉曰夫陽輝而宵  
圓垂象陰翕而柔祇敷形故形則為水土木石象則為  
日月辰星萃兩間之精華麗至道之模型要其所極則  
參差難并究其所始則突與窈冥蓋七聖之智而於此  
乎迷四科之博而不能訂謬彼譎幻假此芻靈類燕人  
削猴于棘端同偃師舞巧于周庭縱無求而不獲匪余

表之所寧客曰迂矣子之言也夫三五淪喪剝落真元  
陽明凋謝陰邪昂軒勢失則擎拳曲跪以取媚志盈則  
招權攬威以自尊一波濛而萬濤漲孤壘摧而三軍奔  
况七曜馬輪迴而兩間乎平反醜正要直其徒實繁足  
恭令顏其竟實敵豈恥膺之所能撐柱空于迥以蒙之  
遭屯最余忠告慎爾出論余乃再拜而受之婁于中堂  
堂致蠲吉肅冠裳注椒醴奠蘭漿列載餌獻饌狼鳴洞  
簫鼓笙簧陳靈尊招巫陽望左右幸歌饗已乃兀然突  
然燭影亂而神飈翔慄然竦毛髮豎而相扶將若有恫

喝于隅齟笑于梁乃審厥相則恍惚兮難量乃聆厥辭  
則嘈啣乎難詳叩之則無所應已焉則復來降良以巫  
致嘏曰神靈訊汝謂汝有所凶吝而求祥乎汝之祥由  
天神不能逆天而取殃謂汝有所咎尤而懲創乎汝之  
尤由已神不能易汝之肺肝而柔汝之剛腸夫不揆于  
人而于鬼乎厚望不圖于誼而受俗之羈韁悲世所以  
馳驚追逐而卒仆僵者也吾且示子以廣大之論遊子  
于曠逸之場下挾乎地維上觀乎天閭騁雋永之至辨  
折聖教之微茫明以語子其聽叩蓋聞大造以天地



為洪爐以山川為臣防鼓動之以五行鎔液之以陰陽  
綴日月使煽灼驅風雷使播揚于是鍾淳懿者茂以昌  
值澆漓者肆而狂譬諸燦金精者為百鍊之鋼鈍者為  
一割之銚其間等倫皆可辨明返造物之本原此其較  
然大章者也乃若遭其窮阨值其淫汪變態萬端靡可  
以常或保其慝或賊其臧伊摯之任兮乃孕空桑重華  
之睿兮乃殞南蒼陶唐咨岳兮巢由深藏履癸復諫兮乃  
臣龍逢噬嗑垂綸兮暮獲真主甘董舞智兮為趙鳳凰  
此則糅錯難齊事理或爽者也至若箕子陳疇于周

而奴僂于商仲尼勁于夾谷而畏于宋匡齊桓雄于五  
霸而蛆出于床秦穆宏于乙丙而殉其三良此其始絡  
異故本末披猖者也又其甚者尤可悼傷接輿獨見兮  
楚稱為狂王閻忠蓋兮爰投三湘伍員獻謀兮翻盛革  
囊宏演納肝兮國破身亡著乎詩人之諷刺編為史冊  
之輝煌然懷寶含瑜逢時搶攘既不其力覆用胥戕或  
有義烈精誠感動元黃長宏迸血而化碧鄒衍痛哭而  
飛霜然猶垂世負俗絕頸扼吭其餘齋志飲憤激薄乎  
三光者不可以比方也窺古今之殊致感流波之相蕩

合至道于冥漠揆安宅于火常縱目乎紘核之表神遊  
 無何有之鄉窮通好醜孰能為之弛張進退虞豫孰能  
 為之低昂願含章兮藏器俟乎時運之芳勿韋脂兮模  
 稜永含愧于滄浪余聞斯言警悟倉皇方欲殫其要  
 眇療疴膏肓但見皓月覆地落葉凝霜向之所睹儻  
 然而衰矣

遠遊賦 并序 袁袁

余弱冠登朝讀書中秘繼官刑曹調武選武庫災編  
 戍湖州赦歸蒙薦起為南武選遷職方署員外郎尋

有廣西之命昔孔子欲居九夷不以為陋廣西古百  
 粵也今海內同軌且余既仕矣安敢以遠辭乎爰作  
 遠遊賦以述事抒情焉其辭曰

沐鴻私于嘉運兮擢遺反于樊丘曳革綏以登進兮踐  
 舊京而嬉幸朝野之無事兮肆驩虞而靡憂謝文墨  
 之填委兮稽圖牒以諮搜差穀旦以休息兮爰嘯侶以  
 集儔升北山以遐眺兮溯大江而榜舟或閱武于廣場  
 兮或被襖于清流尋廢興于六代兮駿業于皇猷念之  
 無荒之有戒兮信佚樂而不偷之佐時之奇畧兮竟投



裔于僻陬駭顏駟之龐眉兮恠馮唐之白首嘆滯淹于  
更生兮笑浮沉之楊叟羞子安之巧宦兮蒙良史之譏  
醜偉潘仁之拙政兮賦閒居而不朽衆捷徑以窘步兮  
固余顏之所厚獨修姱以委順兮諒余心之所取苟貪  
婪以競進兮寧坎壈以自守昔孔聖之周流兮居九夷  
而弗陋羌下惠之直道兮遭三黜而無咎願樛櫟之非  
林兮雖棄捐其何有奉簡書以畏忌兮戒僕夫而啓行  
出檣李之下邑兮游臨安之故城痛越霸既不終兮社  
又以圯崩肅陽侯以先驅兮遵荆水以揚舲感錢鏐之

雄武兮提尺劍以橫縱悼伍胥之忠憤兮浮鴟夷以隕  
身忽怒濤之山立兮儼白馬以耀靈沿桐江以容與兮  
憇巖瀨之澄清躡高台以長嘯兮懷哲人之典型于是  
芳歲將徂元冬告畢雨濛<sup>上</sup>其下淫兮雪霏<sup>上</sup>以蕭瑟  
霧<sup>露</sup>曠以冥<sup>上</sup>兮同雲暖其無色雁<sup>上</sup>離<sup>上</sup>而南翔兮日兮  
忽<sup>上</sup>其西匿坐修夜之難旦兮步列星以太息繹<sup>上</sup>甯  
越之曩歌兮林士頽頽而失職心侘傺以紆軫兮思絃  
結而瞽惑水泉涸其不流兮不石<sup>上</sup>崦巖而阻塞既<sup>上</sup>儻<sup>上</sup>徊  
以川浮兮復<sup>上</sup>崎嶇而山陟野蕭條而無入兮獸躑躅以屏跡

愁車殆而馬煩兮，汨吾朝征而夕于役。形枯槁以渴饑兮，精消鑠而內蝕。魂凋瘵以踰佚，涕浪<sub>方</sub>而霑臆。撫壯年之不居兮，恥修名之未立。于是歷甌粵觀豫章攀槃閣于江渚兮，詠瑋辭以徬徨。帝子不可作兮，王生亦已淪亡。睇彭蠡之巨浸兮，追鴻伐于高皇。相湖水之盡赤兮，殪元<sub>光</sub>于大黃。剪鯨鯢于溟渤兮，陋鉅鹿與昆陽。謁羣忠于叢祠兮，覩丹青之耿光。甄孫許之壯烈兮，實後先以相望。咸致命以竭節兮，終身滅以名揚。越臨江以信宿兮，矚玉筍之崇岡。修降禪于漢武兮，欽登封

之閔藏。忽獻歲以發春兮，迴青陽于幽谷。烏嚶鳴其相和兮，麗冬榮之嘉木。悲去鄉其日遠兮，時反顧以蜷局。魏牟皇<sub>上</sub>以恋闕兮，嗣宗塗窮而慟哭。何賢哲之遠觀兮，猶委心于榮辱。諷龍蛇之至言兮，勵浮雲以自聳。韓廟于袁疆兮，哀逢辰之不淑。黜百家以述聖兮，排二氏以箴俗。雖馴鱣以開雲兮，卒罹殃而敗逐。弟楚鬻于江潭兮，披騷經而三復。椒蘭妬而構讒兮，嫉蛾眉而詆詆。怨靈修之不化兮，傷郢都之頽覆。式彭咸以自靖兮，奠汨羅之魚腹。涉長沙以夙駕兮，嗟賈生之夭年。遭漢



文之殊遇兮何卒困乎絳灌之巧言闡宣室以徒召兮  
賦鵬鳥而自憐挺異才以命世兮竟賈志于重泉亂衡  
陽之洪河兮屬沅湘之大川覽吳楚之上將兮極耳目  
之偉觀瞻柳侯于永郊兮薦繁蒞以蓋筵世溷濁而壅  
塞兮紛妬忌以蔽賢慨四子之一轍兮羌異代而同患  
士不遇以永嘆兮諒自古而已然望朱垠以儼裝兮指  
象郡而驥軌肆流目于南疑兮悵重華之野死蒼梧曼  
曼以在望兮悼二妃于江之汜山龍窅以造天兮嵐昏  
昏而晝起桂樹叢生于巖阿兮春炎亡其若暑壤濱海

以沮如今土熱濕而恒雨猥狃娛以伺人兮咸雕題而  
黑齒蝮蛇綦亡于中林兮蠶含沙于湘水雄虺九首以  
齧亡兮封狐捷而千里何此邦之炎瘴兮固蠻族之所  
止徵禹跡之所不到兮檢職方而未序託漢帝之喜功  
兮肇開拓而疆理猗皇風之泰昌兮界昆吾以為宇邑  
五嶺以作藩兮括百粵以置吏朝越裳以重譯兮撫交  
州而即叙眇余躬之陋微兮敷文教于茲隅戾泮宮以  
振鐸兮選青衿之秀儒懼聖遠而言湮兮病曲學之支  
離列四科以作人兮愧五教之未施憑丘墳以願志兮

寄絃歌以自娛聞老聃之適戎兮講道德之元虛蒙莊  
適于漆園兮馳放言以恣睢虞卿窮而亡聊兮猶發憤  
以著書荀斯文之未喪兮竊希志于前規吾將籠今古  
以騁驚兮掇罔象之元珠亂曰去鄉遠遊心不樂兮自  
冬徂春將焉薄兮炎州卑濕風土惡兮魑魅晝出瘴癘  
作兮狐死首丘不忘故兮代馬北風尚知慕兮世不我  
知羌誰愬兮歸兮歸兮娛竹素兮

思歸賦

袁宏

旅荒徼以羈處兮心怵亡而多憂陽春逝以流邁兮曜

靈迅馳而不留涉恢台之炎夏兮赫焦灼以鬱蒸瘴疇  
曠以中人兮觸沉痾以驟興寒熱搏而襲逆兮苦疢崇  
之相乘乏單豹之內養兮二豎伏而伺升哀吾生之孔  
艱兮逢百罹以備嘗進觸藩以踟躕兮退曳尾而摧藏  
嘉魯連之肆志兮雖貧賤其何傷世好朋而習佞兮懼  
婁直之構殃遊幽谷以逾紀兮忽奔走乎遐方豈好爵  
之我縻兮實簡書可畏收孟明于三北兮蒙羸繆之渥  
惠奉周任之炯戒兮勉陳力以就位冀鉛刀之一割兮  
庶伐檀之無媿老冉冉之將至兮疾疾糾其相仍俟



河清之幾時兮恐朝露之易零誦夫子之雅言兮疾沒  
世之無稱紛王事之鞅掌兮顛天昏而乞身積頽思而  
寢息兮憎愠愉以怵惕喟中情之莫我察兮眷懷歸而  
未得夜申旦以不寐兮就角枕而反側蟲藟以替飛  
兮聽空除之蟋蟀先秋氣以哀唵兮感時物之數易魂  
營以夢歸兮覩故鄉之髣髴歎驚寤以在床兮怡愴  
愴悅而愁以昔鍾儀之囚晉兮操土風而不忘彼莊鳥  
之仕楚兮詠越聲以榜徨覽季倫之奏引兮思娛老  
于河陽繹陶令之賦辭兮修初服于紫桑入情各懷土

兮豈必經營乎四方余既不能徇華以苟祿兮又焉能  
棲于此邦孔接浙以違齊兮軻濡滯而出晝欽疏傳  
之炳幾兮脫桎梏于組綬染敬噫以竄稽兮梅掛冠以  
遯吳仲樂志于園藪兮張興思于尊鱸鴻冥于寥廓  
兮趨繒繳而遠徂非斯其誰與歸兮永逍遙于江湖湖  
亂曰元鴉黑鳥號寢宮兮鳳凰翩飛匿林中兮人各有  
心紛不同兮靜躁殊趣貴中庸兮塊獨居此將安從兮  
我思古人希哲蹤兮

內答賦

并序

許應亨

嘉靖己亥七月之閏余從兄至京師道齊魯之墟中  
夜無寐徬徨起坐悼往過之寢深懼將來之易弱性  
怵中熱撫几報顏而作是辭

余往就此竒徑兮願中道而背馳極曠遊之快心兮决  
轡御而不羈白日既下西麓兮窈獨處此纍疇魍魎蔽  
于大澤兮山鬼迎將以噬石喚占躡足兮水斯亡以披  
披靡彼哲人立于高岡兮寡余裳戒以勿濟虎嶷亡以  
肆翼兮將以食予之肝肺余方憤而莫知兮神怵亡以  
心醉忠言逆余之耳兮反迎之以罵詈披蒺藜以為衣

兮又紉之以為裳席荆棘以自娛兮雜猶茨以佩囊狐  
九首而襲媚兮蛇蜿蜒以引吭涉流離而弗顧兮道差  
莪以徜徉心搖亡而不寧兮體糜亡以皆傷妻子泣以  
向余兮友朋招我以簡書此地不可以以處兮曷迄子  
之故居子烈祖之南徙兮固以振茲令圖洎乃考之仁  
厚兮遵繩墨而不踰伯追躅于古哲兮既為世之大儒  
子獨何其不肖兮自喪子之嘉模夫人孰能無過兮貴  
速改之惟謹昔殷王之齊聖兮曰不吝以為訓顏氏既  
以不貳兮後世稱其亞聖苟朝作而暮改兮亦云天之明



命辛受恥過而作非兮墜洪業以隕軀有渾敦之長  
傲兮聖人投之于四夷惡無纖而弗滅兮微罔積而不  
虞鬼神福善而禍淫兮天培我而殛愚余雖聞而不釋  
兮猶頽顏以忸怩乃已亥之孟秋兮膏吾車于北衢既  
遠跡于塵陌兮遂肆心于詩書緬緲暑之既退兮又申  
之以秋初風蕭瑟以怒號兮氣抑鬱而莫舒月既望于  
東陸兮夜氣清而不渝連中宵而不寐兮獨慘慄而嘻  
吁昔嬰身于湯鑊兮庸百創之在膚臂狂藥之喪心兮  
赴水火而莫辭既號噉于南北兮復跳梁乎東西自安

止于汚下兮惟依僮之是師齒雖壯而猶弱兮氣方鼓  
而復摧向幼學之聰慧兮竊自比于瓊瑤慕吾兄之高  
蹈兮將頡頏于青霄胡中道之廢墜兮滓異質以涇渚  
使蘭茝雜于糞土兮豈云異夫蓬蒿雖往者之不可諫  
兮懼來者之易殺清諱曰宴安鴆毒不可親兮蝮首蠱  
尾豈可矜兮君子明哲以保身兮孱士窮欲將戕生兮放  
僻邪侈罔桎梏兮戴仁挹義至公卿兮遷善改過有殷  
之興兮長傲遂非桀紂同征兮





